

四庫全書

子部

欽定四庫全書

子部

圖書編卷

三十一

詳校官中書臣孫衡

主事臣祁韻士覆勘

總校官進士臣朱鈐

校對官編修臣馬猶龍

謄錄監生臣李昇

欽定四庫全書

圖書編卷三十

天下山川海嶽大勢圖叙

明 章潢 撰

論天下之大勢者必周覽乎山川山者水之源水者山之委諸山皆發脈於崑崙本雖同而末則異諸水皆會歸于海本雖異而末則同所以山愈聳愈高而分則小水愈下愈大而合則多其勢然也然山各鎮

乎一方而水則以江河為中原兩大界也是故河
為北戒而濟會於河江為南戒而漢則會於江然
河之源發于崑崙以西之星宿海江雖發源岷山
若在雲南之金沙江言之則江源亦本之西也是
水皆源於西也雖因江河以分于南北不其會歸
于東海矣乎即水之兩戒以觀乎山凡河北諸山
皆自代北寰武嵐憲而來為華岳為析城王屋為
雷首為大行為恒岳而東為岱岳江南諸山皆來

自岷峨由滇貴至廣右經武岡寶慶至衡陽為南
岳散為廬阜為會稽鴈蕩為金陵又別為閩粵是
山之支分又水之流派所由辨也然則觀於名山
大川而形勝鞏固風氣攸鍾天下之大勢不即此
可知乎雖然予自幼聞山過山水過水之說嘗兩
否之及讀前人書於水過水則然於山過山則否
予亦從而然之否之也自今言之合天下之水為
一水而其源分派異故有味別之說但理雖可信

味實未易測也衆山鼎峙雖小大卑高不齊而支
派連絡脈理分明此則有形可覩者人反莫之信
焉何哉噫無怪其然也兩山之中必有水兩水之
中必有山加以山過水也山雖斷而脈不斷水過
山也水雖分而流未分此豈常情所能識哉但坎
流艮止可以跡求可以意會惟隨地以察其情不
執見以定其局則不獨天下之山川大勢瞭然在
目中也以此周覽一郡一邑一家之形勝亦然故

易曰俯以察於地理



論三大幹龍

朱子曰天下有三處大水曰黃河曰長江曰鴨綠江
今以輿圖考之長江與南海夾南條幹龍盡於東南
海黃河與長江夾中條幹龍盡於東海黃河與鴨綠
江夾北條幹龍盡於遼海此則自其水源之極遠者
而論之耳泄天機不原水之遠近龍之配敵惟據禹
貢江淮河漢四水及王鄭三條四列之名而以中幹
分為二支謂有四大幹龍殊不知禹貢所叙山川自

與地理家所論不同先儒蔡文正公蓋嘗辨之曰禹
之治水隨山刊木其所表識諸山之名必其高大可
以辨疆域廣博可以奠民居故謹而書之以見其施
功之次第初非有意推其脈絡之所自來若今之葬
法所言者又曰王鄭三條四列之名皆為未當是故
草廬吳文正公有云崑崙為西極之祖分派三幹以
入中國良可據也

論南條幹龍脈絡

按廖氏金壁元文云大江以南之龍其脈起自岷山

在茂州岷山縣

遶行而西自西而南至雲南之境又東趨夜

郎踰桂嶺至零陵為九疑山入桂連撼龍經云五嶺

分星入桂連是也過大庾嶺出南淮由汀從邵武抵

信走徽東行為天目一枝為錢塘經云一枝分送入

海門

凡稱經者即楊公三龍經也後倣此

又云海門旺氣連閩粵南龍

支隴交相纏此是海門南脈絡貨財文武交相錯是

也一枝為建康

今南京應天府

盡江陰經云幹龍盡在江陰

墳是也一枝自靈山逆奔盡鄱湖 其水源則湘水出

永州寧陵縣至洞庭湖入長江

論中條幹龍脈絡

大河以南大江以北乃中條幹龍其脈起自西傾在

州臨行隴右經云山來隴右尖如削盡是貪狼高聳

鞏縣卓此處如何不出文只為峰多反成濁是也過鳳翔

經云行行退卸大散關在鳳翔府百二山河在此間

大纏大護到函谷在弘農縣水出黃河如玦環是也為長

安一枝出熊耳

在高州上洛縣

經云低平漸漸出熊耳萬里

平洋漸如砥是也為嵩嶽為汴經云大梁形勢亦無
山到此尋龍何處是若無河流與淮水渺渺茫茫不
見山是也此處脈亂於河經云河流衡決山斷絕又
無石骨又無脈君若到彼說星峰一句不容三寸舌
是也出究為秦岳經云黃河在北大江在南兩水夾
行勢不絕行到青齊忽起峰兗州東岳插天雄分枝
擘脈鍾靈氣聖賢多在魯邦中是也一枝盡於登萊

一枝盡於滄棣 其水源則濟水出絳州垣曲縣至

孟州溫縣入河復出河之南溢而為滎又東北至于

青州入海

自宋元以來河水穿淮黃河故道淤而東岳泰山今在河北矣

又一枝自

嶧冢西行湄州漢水之間出武關由裕過唐抵信陽行淮水之南趨廬行淮水之東為揚盡於通其水源

漢水出嶧冢至漢陽縣入江淮水出桐柏山

在唐州桐柏縣

至淮安入海

按此一條泄天機直為一大幹而謂中國有四大幹

龍固亦非謬但以極長者論之則此非其所配况青囊理氣心印及諸明術皆無四幹之說今從衆要之此蓋三大幹龍之亞耳辨見前三大幹下

論北條幹龍脈絡

大河以北之龍其脈起自崑崙經云崑崙山脚出闡

顏

闡音田西域國名

隻隻都是破軍山連綿走入瀚海北

北海

名風俗强悍人粗頑生兒五歲學騎射骨體方剛是

此間是也至白登

山名在大同府白登縣

西一枝為壺口

在隰州古

鄉大嶽

在晉州霍邑

次一枝南出為析城

在澤州陽城縣

而又西

折為雷首

在河中府河中縣

又次一枝為大行

在懷州河內北至幽州九

嶺綿亘一十二州之界有北陁

又次一枝為恒山

在定州曲陽府

又次一枝

為燕山盡於平灤碣石山

在平州廬縣

經云若以幹龍論

大盡大行碣石至海堧是也

其水源則汾水出汾

州管岑山至絳州入于海

已上三大幹龍皆始於崑崙分派三條以入中國其

所歷九州則北條出河海以入于海為冀充之分

中條出河南自秦隴三輔入豐沛汾晉派伊洛東而
淮泗以入于海為雍豫徐青之分 南條出江南自
陝右分出西鄙迴巴蜀踰荆衡入黔中東而匡阜南
極嶺海東北渡閩粵跨三吳自浙右以入于海為梁
荆揚之分

三幹總論

三幹之布於九州也三幹之龍中幹最尊次北幹又
次南幹故歷代以來如漢高祖之泗上漢光武之白

水村宋太祖之夾馬營我太祖之鍾離皆在中幹而
唐虞之君俱為北產南幹至宋以來運氣方興萃產
朱子為萬世儒宗而近來文物東南為多 其南幹
之最長者為金陵我國朝根本重地太祖高皇帝龍
興之畿也 中幹之最長者盡東秦翻身顧祖東海
外盪河江前向萃產孔聖及賢貴凝聚宋末河徙截
其來脈者三會通河復加截之其力遂微而中幹之
旺氣南北兩大枝盡頭乃萃於泗州鳳陽我皇朝熙

祖仁祖二陵在焉 北幹之最長者為燕京今京師

也朱子曰冀都是正天地中間好個大風水山脈從

雲中發來雲中正高脊處自脊以西之水則西流入

于龍門西河自脊以東之水則東流入于海前面一

條黃河環繞右畔是華山聳立為虎自華來至中為

嵩山是為前案遂過去為泰山聳於左是為龍淮南

諸山是第二重案江南諸山及五嶺

南安大庾嶺桂陽騎田嶺九真

都龐嶺臨賀萌浩嶺又為第三四重案正謂此也吳

始安越城嶺是也

興唐子鎮以燕京為枝結以堯都為正結而謂朱子
所論冀都指作堯都非也彼蓋未考舜分冀東北為
幽州而幽燕乃古通稱曰冀耳若堯都既為朱子所
稱之冀則朱子又何復曰堯都中原風水極佳左河
東大行諸山相繞海島諸山亦皆相向右河南遶直
至泰山溱海云云此不待辯說而明矣故丘文莊公
大學衍義補直以朱子所稱為今京師誠確見也其
以燕京為枝結者不為妄談乎夫南幹正結為南畿

及我太祖高皇帝孝陵中幹正結為我熙祖仁祖皇
陵北幹正結為今日京師三幹之盡惟我朝獨會其
全回視唐虞以來或得正幹之一或得分幹之一者
亦能衍數百年之基則我朝三大幹之福力真億萬
斯年可預卜于茲也

中國地理海嶽江河大勢圖





論中國之山

按朱子曰河圖言崑崙為地之中蓋中國至于闐

田音

二萬里于闐遣使來貢自言其西去四千三百餘里
即崑崙山今中國在崑崙之東南而天下之山祖於
崑崙惟派三幹以入中國其入外國之山無可考亦
不足論今以中國之山言之其河北諸山則自代北寰
武嵐憲諸州乘高而來山脊以西之水流入龍門西
河脊東之水流于幽冀入于東海其西一支為壺口

秦嶽次一支包汾晉之源而南出以為析城王屋而
又西折為雷首又一支為恒山又一支為大行山大
行山一千里其山高甚上黨在山脊河東河北諸州
在山支其最長一支為燕山盡於平灤大河以南諸
山則關中之山皆自蜀漢而來一支至長安而盡關
中一支生下函谷以至嵩少東盡泰山一支自蟠冢
漢水之北生下盡揚州江南諸山皆祖於岷江出岷
山岷山夾江兩岸而行那邊一支去為江北許多去

處這邊一支分散為湖南閩廣盡於兩浙建康其一
支為衡山而盡於洞庭九江之西其一支度桂嶺則
包湘源而北經袁筠之地以盡于廬阜其一支自南
而東則包彭蠡之原度歙黃山以盡于建康又自天
目山分一支盡于浙江西之山皆自五嶺贛上來自
南而北閩廣之山自北而南一支則又包浙江之原
北首以盡會稽南尾以盡閩粵此中國諸山祖宗支
派之大綱也

總論中國之水

按仁山金氏曰天地常形固相為勾連貫通然其條理亦各有脈絡自崑崙而東北言之則自積石而北為湟水星海青海以至浩疊皆河源也入匈奴以東為陰山又東南自代北雲朔分而南趨為北嶽以至大行是為河北之脊壺口雷首大嶽析城王屋皆其羣峰河之折而南汾晉諸水之所以西入河涿易滹漳恒衛之所以東入海也分而東趨者行幽燕之地

為五關之險以至營平而為碣石此北絡也自崑崙
以東言之則自西傾而洮水出其北入河桓水出其
南入江又東為朱圉烏鼠諸隴則為渭之源自渭源
以北即夾河源而北以東若岍岐若荆山諸峰涇水
漆沮諸源也自渭以南即西傾而下諸峰亘為終南
屹為大華東北為穀陝東南為熊耳外方嵩高伊洛
之源又南為桐柏淮源以達于淮西諸山此中絡也
又自西傾朱圉而南分是為蟠冢漢源夾漢而趨者

北即終南華熊諸隴南則蜀東諸峰說者謂蜀東諸山皆蟠冢正謂其岡岫綿亘耳又東南言之是為岷山江源夾江而東者北支即西傾以南蟠冢以西之脈為恒水西漢水嘉陵江諸源其南支即南趨為蒙蔡諸山青衣大渡馬湖諸源又東包涪黔一盤而北為三峽其出者包絡九江之源中盤中為衡山其再盤而北為廬阜其嶺之東出者又為袁吉章貢旰信諸江之源至分水魚梁嶺三盤而北趨過新安峙天

目盡昇潤再盤之間其水聚洞庭三盤之間其水聚
為彭蠡三盤以東則南為閩浙北為震澤此南絡也
惟泰山則特起東方橫亘左右以障中原此所以為
異與又曰泰山特起東方為中國水口表鎮禹貢導
水畧云導河至同為逆河入於海導漾至東為北江
入于海導江至東為中江入于海導沆水至東北會
于汶又東入于海導淮至東會于泗沂東入于海導
渭至東過漆沮入于河導洛至東會于伊又東北入

于河此中國山水大勢也

山類賦

夫山者宣也宣氣生萬物者也

出說苑

爾其天孫日觀

博物志曰泰山一曰天孫言為天帝孫也主召人魂魄東方萬物始成知人生命之長短應劭漢官儀曰泰山東南名曰日觀雞一鳴時見日始出終南大一五經要義曰大一山在扶風武功縣與終

南山相連蓬萊九氣十洲記曰蓬萊山外則負海謂之溟海無風則洪波百丈上有九氣丈人

九天真官也崑崙五色博物志曰崑崙從廣萬一千里百神所集出五色雲氣五色流水其

水東南為中國河天台赤城孫綽天台賦曰赤城霞起龍門以建標瀑布飛流而界道

積石

書曰浮于積石至于龍門西河訪至道於崆峒莊子曰黃帝聞

之上往

問道焉識神人於姑射

見水賦想肌膚於姑射注

江郎之一子還

家

郡國志曰江郎山三峯上又各有巨石昔山下民兄弟三人化於此晉永嘉之亂湛滿者亦居山側

有三子仕宦不得歸禱於三石旬日中湛子出洛水見三少年使閉目入車中恍然不知所之須臾至家

林慮之雙童不食

顏修內傳曰橋順二子曰璋曰瑞師事仙人盧子基于林慮山樓霞

谷服飛龍藥一九千年不飢故魏武詩曰西山有雙童不飲亦不食

節彼南山

詩曰節彼南山

維石始於一拳

禮曰今夫山一卷石之多及其廣度大草木生之禽獸居之寶藏興焉

懸之祭

爾雅曰祭山曰度懸

配林是先

禮曰齊人將有事于泰山必先有事于配林

故梁為晉望

爾雅曰梁山晉望也

岷實江源

書曰岷山導江

聳香爐之

秀出

南雍州記云武當山山高隴峻若博山香爐廬山亦有香爐峰

抗射的高懸

水經註云會稽有射的山遠望如射侯土人以占米價貴賤諺云射的白斛一百射的玄斛一千至

若觸石吐雲

說苑曰五岳能大布雲雨馬能大斂雲雨馬觸石而出膚寸而合不崇朝而雨

天含澤布氣

春秋說題辭曰山之為言宣也含澤布氣調於百神者也

鳴陳倉之

寶雞

三秦記曰大白山南有陳倉山山石與雞不別趙高燒山雞飛去晨鳴山頭聳聞三十里或人

謂是玉雞翔淳于之白雉

武陵記曰淳于山與白雉山相近絕壑之半有白石雉遠望首

尾可長二丈伸足翔翼若虛中翻飛

既含情於度木

左傳曰山有木工則度之亦游

心於覆篲

論語曰譬如為山未成一篲止吾止也譬如平地雖覆一篲進吾往也

登宛

委而得書

吳越春秋曰禹傷父功不成登衡山血白馬而祭之夢赤繡文衣男子稱玄夷蒼水

使者謂禹曰欲得我仙書者齋於皇帝之岳禹乃退齋三日登宛委石得金簡玉字言治水之要圖書

出器車而表瑞

禮曰山出器車河出馬圖

黃帝之遊具茨

陽城記曰黃帝

登具茨之山升於洪隄之上受神芝圖於黃蘆童子

夏王之登會稽

吳越春秋曰禹巡越

大會計治國之道更名茅山曰會稽

爾其探禹穴

水經註會稽山東有穴深不見底謂之禹

穴東遊者多探其穴

紀秦功

水經注云秦始皇登會稽山刻石紀功李斯所篆

九子

九華山錄曰峯巒異狀其數有九故號九子李白更號九華

或禮視三公

禮

五岳視三公
四瀆視諸侯

著屐嘗聞於靈運

宋書曰謝靈運好登山嘗著木屐上山則

去前齒下山
則去後齒

朽壤曾聞於伯宗

左傳曰梁山崩晉侯召伯宗伯宗辟重曰

避傳重人曰待我不如捷之速也問其使曰絳人也問絳事曰梁山崩召伯宗謀之問將若之何曰山有

朽壤而崩可若何國主山川故山崩川竭君為之不舉降服乘綬徹樂出次祝幣史辭以禮焉至若

汶為天井

河圖曰汶山之北為井絡天為井岐為地乳河以會昌神以建福上天為井

曰岐山在崑崙東南為地乳

維應桐柏

河圖曰桐柏山為地穴上為維星

畢連鳥

鼠

河圖曰鳥鼠同穴山地之幹也上為掩畢星

嘉無恤之臨代

史記曰趙簡子謂諸

子曰吾藏寶符于常山能往得者立為後諸子競往無所得無恤曰常山臨代代可取也簡子曰是知符

矣遂立之美仲尼之小魯孟子曰孔子登東山而或形類

冠幘

宣城圖經曰幘山層峯崔峩狀如冠幘

或狀同枹鼓

隋圖經曰燕山在易縣巖

側有石鼓去地百餘丈望之若數百石因左右梁貫之鼓東南有石人援桴而擊世云燕山石鼓鳴則有

兵感叱馭之忠臣

漢書曰王陽為益州刺史行部至邛邽九折阪嘆曰奉先人遺體奈

何乘此險後以疾去及王尊為刺史至其阪問吏曰此非王陽所畏道邪尊叱其馭曰驅之王陽為孝子

王尊為識擣衣之玉女

郡國志曰靈山昔有神女於此擣衣山南絕巖有方石明

瑩謂之玉女搗練砥縣圓嘗留於穆滿

淮南子曰崑崙山去地萬一千里上有層城九

重或上倍之是謂閭風或下倍之是謂縣圃穆天子傳曰天子至於崑崙丘季夏丁卯升於春山之上以

望四野是惟天下之高山先王之所謂縣圖山海經曰寶惟帝之平圓

疎屬曾拘於貳

負

山海經曰貳負之臣曰危與貳負殺窫窳帝乃梏之於疎屬之山桎其右足反縛兩手以髮繫之於

山上盤石之下在開題西北注漢宣帝時使人鑿上郡發盤石得一人徒裸被髮反縛械一足莫有識者

劉子政按此言之宣帝則有石帆孤出夏侯曾先志曰會稽山有

石帆山石危起砥柱分流水經註曰砥柱者禹治洪若數百幅帆

山以通河河水分流包山巨靈之擘太華郭緣生述見水中若柱然故曰砥柱

山與首陽本同一岳河神巨靈擘開以通河流故掌跡在焉共工之觸不周見天賦共

工折秦望則金簡玉書靈祕之所潛隱水經註曰會稽秦望山在

州正南為衆峯之傑涉境便見吳越春秋稱山覆釜
蓋蓋中有金簡玉書皇帝之遺絨也又云金簡玉字
之書夏禹發之羅浮則璿房瓊室神仙之所嬉遊南
得百川之理

志曰羅浮山本蓬萊山一
峯有璿房瓊室七十二所又聞嬴政曾驅見石賦秦
皇過海賦

愚公欲徙

列子曰大行與王屋二山方七百里高萬
仞北山愚公者年且九十面山而居懲山

北之塞出入之迂也聚室而謀曰吾與汝畢力平險
可乎雜然相許其妻曰以君之力曾不能損魁父之
丘如大行王屋何且焉置土石雜曰投諸海渤之尾
隱士之北遂率子孫荷擔者三夫叩石墜壤運於渤
海之尾隣人京城之孀妻者有遺男始戩往助之寒
暑易節始一反焉河曲智叟笑而止之曰甚矣汝之
不慧以殘年餘力曾不能毀山之一毛其如土石何
北山愚公長息曰汝之心曾不若孀妻弱子雖我也

死有子存馬子又生孫孫又生子孫孫子子無窮匱也如山不加增何若而不可乎河曲智叟無以應操

沈之神聞之懼其不已告之于帝帝為感其誠命夸娥氏二子負山一措朔東一措雍南覲修羊

於華陰

列仙傳曰修公羊者蜀人也於華陰山石中有懸石榻卧其上石盡穿陷

見王喬

於緱氏

列仙傳曰王喬周靈王太子晉也好吹笙作鳳鳴仙遊伊洛之間浮丘接以上嵩高山三十

餘年後于山上見桓良曰告我家七月七日待我於緱氏山頭至日果乘白鶴駐山嶺望之不得到舉手

謝時人指闕遠屬於牛頭

晉書曰元帝渡江草創欲立石闕于宮門未定王導

隨駕出宣陽門乃遙指牛頭

積甲遙齊於熊耳

東觀漢記

曰赤眉初降輦輸鎧甲

至有羣玉冊府

穆天子傳曰癸巳至于羣

玉之山四徹中純先王之所謂冊崑崙下都搜神記曰崑崙

府也注四徹中繩言皆平直也

之山是惟帝之下洞臺瀟霍道經曰霍山下有洞臺

都環以炎火之山

也員嶠方壺列子曰渤海之東有大海其中有山一曰大輿二曰員嶠三曰方壺四曰瀛洲

五曰蓬萊其上有臺觀有金玉琳琅之樹皆叢生實皆有滋味食之不死人皆仙聖一日一夜飛翔來往

焉觸百神者帝臺山海經曰鼓鐘之山帝臺之所以觸百神者也今名鐘山在陸渾縣

迎四皓者高車高士傳曰高車山上有四皓碑及祠皆漢惠帝所立也漢高後使張良詣

南山迎四皓之及夫瞻掛鶴之悠揚臨海記曰郡西處因名高車山有白鶴山上

有池泉水懸溜遠望如望盤龍之宛轉徐懸釋問曰倒掛白鶴因名掛鶴泉諸葛亮以為

鍾山龍盤

即蔣山也

聞蘇門之清嘯

十道志曰蘇門山一曰蘇嶺即阮籍見孫登長嘯有

鳳凰集登所隱之處

故號登蘇門先生

訪酉陽之逸興

荊州記曰小酉山上石穴中有

書千卷相傳秦人於此學因留之

故梁湘東王云訪酉陽之逸興

用干言之飲宿

李緒趙記曰柏仁縣有干言山衛

詩云出宿于干飲錢于言是也

紀云亭之封禪

後漢書曰

光武封泰山

禪梁甫注云云亭亭肅然萬里社首梁甫皆太山下小山也石閭在西巖之下焉

蘭巖唳鶴

神境記曰滎陽縣有蘭巖山峻拔千丈傳云昔有夫婦隱此山數百年化為雙鶴忽

一旦一鶴為人所害其一鶴歲常

哀鳴至今響動巖谷莫知年歲

金華赤羊

見石賦初平叱

羊再成三襲

爾雅釋山曰三襲涉再成英

朝陽夕陽

爾雅曰山西曰夕陽山東

曰朝桂陽話石荆州記曰桂陽萬歲山出靈壽仙草方云服之不死又有話石有聲如人

共吳宮採香吳地記曰香山吳王遣美人採香於此山因以為名故有採香徑凜冽

而風門激吹水經注曰北屈縣有風山上有穴如輪風氣蕭瑟不止當其衝所畧無生草蓋

象風之門也 晶瑩而火井揚光見火賦觀彼瑩臺註其戴石為砮爾雅

曰土戴石為砮註云土山上石者多草為砮爾雅釋山曰多草木砮無草木砮摘天

柱之仙桃郡國志靈臺山天柱巖有一桃樹高五尺皮是桃心肉似柏服陵與王良趙升試法

於此曰百餘年桃迄采華容之雲母荆南志曰華容方臺山山出雲

母土人採之先候雲所出之處於其下掘取無不大獲者往往有長五六尺可為屏風當掘時忌有聲否

則所得尋謝敷之紫石孔靈符會稽記曰諸暨縣有鳥帶山其上多紫石世人莫

知居士謝敷少時經始諸山往往遷易功費千計生業將盡後遊北境夢山神語之曰當以五十萬相助

但見主人牀下有異石色甚明徹試取瑩拭乃紫石因問所從來云出此山遂往掘果得利不訾訪

桓温之白紵宣城圖經曰白紵山本名楚山桓温領妓遊此山奏歌好為白紵歌因改焉

駭媧宮之臺榭南康記曰君山翠麗鮮明遠若臺榭名曰媧宮風雨之後景氣明靜頗聞

鐘鼓識仇池之樓櫓秦州記曰仇池山本名丘維山之聲似覆囊上廣百頃壁立千仞

自然樓櫓却敵分置均調竦起數丈如人立亦有烏龍白騎湖州記曰汝城縣有烏龍

白騎山有黑石紫葢青泥荆州記曰衡山三峯其一如龍白石如馬名紫葢郡國志曰興州青

泥嶺縣崖萬仞上多雲
雨屢成泥淖遂以為名
羊腸鳥翮
郡國志曰羊腸塞在龍門西山海經

曰大翻山小翻山有王仲廟仲字次仲秦始皇時變蒼頡舊文為今隸書用之大嘉使徵不至始皇大怒

檻車迫之次仲化為大鳥出于檻外翻
馬鞍牛脾
郡國

然高翔至於西門山落二翻因名之
志曰柳州馬嶺山本名牛脾山續南越志曰馬鞍山始皇時望氣者云南海有五色氣遂發卒千人鑿以

斷山之崗阜今其山如馬鞍因以名之又襄陽記猿曰楚山一名馬鞍山劉弘山簡九日賞宴之所

門聳拔
益州記曰猿門在涪縣上
鴈塞逶迤
荊州記

鴈南翔北歸徧經其上
多猿其山二峯傑豎如門
見玉賦羊公種
仙人種玉
之而娶婦注
烈女

磨笄
隋圖經曰磨笄山在懷戎縣昔趙襄子殺代王其夫人曰代己無矣吾將何歸遂磨笄于山而

自殺代人名其言聽蔡誕抱朴子曰蔡誕者自云被
山為磨笄山

答曰天不問其高幾里要於約信安期列仙傳曰安
仰視之去天不過十數里也

鄉人皆言壽千歲始皇與女賜金壁數千萬出阜鄉
亭皆委去留以赤玉為一兩報曰後千秋來我蓬萊

下見祝融之降崇聞鸞鷲之名岐國語云夏之興也
祝融降於嵩山周

之興也鸞鷲鳴於岐山復聞馬援壺頭武陵記壺頭
注崇嵩字古通用耳

所穿室也室內有蛇如羊公峴首十道志曰羊祜嘗
百斛船云是援之餘靈

峴山垂泣曰自有宇宙便有此山由來賢達勝事登
此望遊如我與卿者多矣皆湮滅無聞念此使人悲

傷我百年後魂魄猶當登此山也湛對曰公德冠四
海道符前哲令聞令望當與此山俱傳若湛輩乃當

如公挹少室之石膏
河圖云少室山有白玉膏服即成仙
飲洞庭之美

酒

博物志曰洞庭君山帝之二女居之曰湘夫人又荆州圖經云湘君所遊故曰君山也有道與吳包

山潛通上有美酒數斗得飲者不死漢武帝齋七日求得東方朔曰臣識此酒請視之因一飲至盡帝欲殺之朔曰殺朔若死此為不驗
又若望朝霞於赤岬

南兖州記曰瓜步山東五里有赤岸山南臨江中羅君章云赤岬若朝霞郭景純山賦云鼓洪濤於赤岬

祝黃石於穀城

見石賦祠彼穀城註

雖陽岐之能買

荆州記曰石首縣陽

岐山無所出不足可書本屬南平界范玄平記曰古老相承云胡伯始以本境縣無山買此山上記皆簿

也 豈北邙之可平

魏志曰明帝欲平北邙使登臺可觀孟津辛毗諫曰天地之性高高

下下今而反之既非其理加陳音以之而立號會稽

陳音山昔有善射者陳音越王使簡士習射於郊張

外死因葬焉冢壁悉化作騎射之象因以名山張

嶧因之而得名宋書曰張稷為荆令至嶧雲氣或成

於宮闕袁崧後漢書曰光武封泰山雲氣成宮闕風雨曾避於峭陵左傳

穆公使孟明潛師於東門之外蹇叔之子與師哭而

送之曰晉人禦師必于峭峭有二陵焉其南陵夏后

鼻之墓也其北陵文王之所避已夫少室登仙之臺

風雨也必死是間余收爾骨焉

述征記曰少室山中多神

藥漢武築登仙臺於其中

名句曲山秦時燕然勒名後漢書曰竇憲與單于戰

于稽洛山大破之憲遂登

燕然山刻石勒碑令班固作銘
祁連作家漢書曰霍去病以驃騎將軍擊匈奴至祁連山獲首

虜三萬去病薨上悼之發屬國玄甲軍陣自長安至茂陵為冢象祁連山
或功代攸彰或

靈仙所重若過之而身熱經之而頭痛漢書曰杜欽說大將軍王

鳳曰罽賓國道歷大頭痛山小頭痛山赤土身熱之阪
徒為患於蠻貊而無資

於財用

水類賦

夫潤萬物者莫潤乎水出易若乃翫文章於濉渙述異記濉

渙二水波若五色
有文故名續水
修祓除於溱洧見春賦翫
飲玄州茲溱洧注

之似蜜

魚龍河圖曰玄洲在北海中去南岸十萬里上有芝生玄澗澗水如蜜服之長生

味

晉安之如醴

名山畧記曰僧權道人居晉安霍山晨出澗忽見白水異常飲之甘如醴水過

甚速以器取得少許以餉陶晉安不復或見漸車

詩曰

淇水湯湯漸車惟裳注或稱濡軌濟盈不濡軌

屈原之濯纓

楚辭曰滄浪之水濁可以濯我足

耻巢父

之洗耳

逸士傳曰堯讓天下於許由由逃之巢父聞而洗耳於池濱樊堅字仲文方飲牛乃繫而

還恥令牛飲其洗耳之下流

若夫挹彼注茲

詩曰澗酌彼行潦挹彼注茲

游之

詩曰就其深矣方之舟傳既聞於流惡

左傳曰有汾澮

以流詩亦言其樂飢詩曰泌之洋洋可以樂飢象存習坎易曰水洊至習

坎性存盛衰淮南子曰水之性循勢而行乘衰而流注衰下也湛靈源於疎

勒後漢書曰耿恭為戊己校尉以疎勒城旁有澗水可固乃據之匈奴復來攻恭于城中穿井十五丈

無水乃嘆曰昔貳師將軍拔佩刀刺山而泉湧乃整衣向井拜于是有飛流奔出衆皆稱萬歲因揚泉示

虜虜以為湧清流於貳師已見至於懷山襄陵湯書曰神遂引去

洪水方割蕩蕩懷山襄陵浩浩滔天浮天載地玄中記曰天下之多者水焉浮天載地高下無

不至萬物滿而後進揚子法言曰或問進曰水或曰為不捨晝夜歟曰有是哉滿而

後進者盈而不概孫卿子曰孔子見大水必觀焉曰夫水柔而無為也似德其浩浩乎

不屈似有道其赴百仞之谷不懼似勇主量必平似法盈不求概似正發源必東似志

知檻汎

之殊名

爾雅曰檻泉正出湧出也沃泉縣出下出也汎泉穴出反出也

涉冬春而凝

泮

淮南子曰夫水向冬則凝而為冰迎春則泮而為水

量深淺而揭厲

爾雅曰深則厲

淺則揭揭者揭衣也以衣涉水曰厲

爾其流感沸

詩曰感沸檻泉

道靈長

郭璞江賦

咨五材之並用嘉水德之靈長

天齊之東

漢書曰秦始皇東游海上祠八神將一曰天主祠天

齊天齊淵水居臨菑南郊山下注云五泉並出

帝臺之漿

山海經曰高前之山其上有水焉甚

寒而清帝臺之漿水也

驚迅湍於濫預

夔州圖經曰濫預在瞿唐口夏水迅激至艱難

諺曰濫預大如犍瞿唐不可觸濫預大如馬瞿唐不敢下

駭懸流於呂梁

莊子曰孔子觀

於呂梁懸水三十仞流沫四十里鼃鼃魚鼃則有臭不能游見一丈夫游之與齋俱入與泊偕出

過椒蘭

列子曰禹治水土速之一國無風雨霜露不生鳥獸有山名壺嶺頂有口若圓環名曰滋

穴有水湧出名曰神漢利穿金石淮南子曰水之為物擊之無創射之

然不傷斬之不斷焚之不下河分簡潔見河賦簡潔鉤盤注渠名鄭

白漢書溝洫志曰鄭國韓之水工韓欲疲秦無令東伐乃使國間說秦令鑿涇水自中山西邸狐口為

渠以溉田禾就而詐覺秦欲殺國國曰臣為韓延數歲之命為秦建萬世之功遂成之名鄭國渠又漢太

始二年趙大夫白公復奏穿秦渠傍引涇水注渭名白渠民歌曰田於何所池陽谷口鄭國在前白渠起

後舉挿為雲決渠為雨涇水一石其泥數斗且溉且糞長我禾黍衣食京師億萬之口美君子

之為交

禮曰君子之接如水小人之接如醴君子淡以成小人甘以壞歎小人之是

溺

禮曰小人溺於禮中庸曰溥博水君子溺於口禮著淵泉如天淵泉如淵祭名清

滌

禮曰祭宗廟水曰清滌 偉文公之獨見 後漢書曰任文公巴郡人為治中時天大

早白刺史曰五月一日當有大水宜為預備刺史不聽文公獨儲大船百姓或信文公頗為防者至其月

日中雲起須臾雨至晴時湔水湧起十餘丈突壞廬舍所害數千人 美公沙之先識 後

書曰公沙穆銳思河洛推步之術永壽元年大雨水三輔以東無不漂沒穆豫告百姓徙居高地故弘農

人獨免 異出兮同流 見上漢肥 載舟兮覆舟 袁宏三國名臣贊序

曰江湖所以載舟亦所以覆舟 美彼上善 老子曰上善若水水

仁義所以全身亦所以亡身

善利萬物而不爭

嘉其至柔

老子曰水天下之至柔馳騁天下之至剛

感若思之

置坐

唐書曰孔若思常謂人仕至中郎足矣及遷為庫部郎乃置一石止水于坐右示止足之意為

左慈之逆流

抱朴子曰左慈以氣禁水水為逆流至一二丈著水禁中庭露之大寒不水

於閱彼流連

詩曰河水清且漣漪又清且淪漪

乘之泂沂

尚書傳曰順流而下

曰泂詩註逆流而上曰沂

潤下潛滋

書曰水潤下

朝宗遠鶩

詩曰沔彼流水朝宗

于歎逝者之如斯

論語曰子在川上曰逝者如斯夫不舍晝夜

處衆人之

所惡

老子曰水善利萬物而不爭處衆人所惡故幾于道

美夫不雜則清莫動

則平

莊子曰水之性不雜則清莫動則平

五色

不得不彰

禮曰水無當於五色五色

不得 不彰 百事不得不成

淮南子曰天下之物莫柔弱於水上天則為雨露下地則為潤

澤萬物不得不得不成

識武都之泥紫

隴右記曰武都紫水有泥其色紫而

粘貢之用封壘書

見豷土之蛇青

唐書曰楊朝晟為邠州刺史奏方渠

合才波皆賊路請城之軍次方渠無水師徒驚然邊有青蛇垂高而立視其迹水隨而流築防環之遂為

泉 在成都者以錦為號

華陽國志成都道西城故錦官也錦工織錦濯于江中則

鮮明濯他江則不如故名錦里城

出房陵者以粉為名

荊州記曰陽縣粉水源出

房陵取其水為粉

別有夫餘沈毛

廣志曰弱水在夫餘北不勝毛羽

襄城化血

古今注曰漢安帝延平中河東水化為血不流

范

雲慕仁而不怠

韶州圖經曰曲江縣修仁水北有三峯亭五渡水齊范雲為始興至修仁

水酌而飲之賦詩曰三楓何習習五渡何悠悠且飲修仁水不挹皆邪流

吳隱酌貪而愈

潔

晉書曰吳隱之為廣州州石門有貪泉傳云飲者貪隱之酌而飲之為詩曰嶺南有一水號曰貪泉

深若使夷齊飲終當不易心

新豐則時平乃清

唐書新豐鸚鵡谷水清世傳云谷水

清天臨淄則世亂而竭

述征記曰臨淄牛山下有女水齊人諺曰世治則女水流

世亂則女水竭慕容超時乾涸彌載及宋武北征乃激洪流

淮為許江為沱漢為

潛洛為波

爾雅釋水曰濟為澗汶為瀾洛為波漢為潛淮為許江為沱過為洵潁為沙汝為瀆

美陳宣之納諫

謝承後漢書曰建武中洛水出延津城門或欲築塞之陳宣諫曰昔王尊

正身金隄而水退况聖
人也言未絕而水去
避王商之止訛
漢書曰建始中京師民無

故相驚言大水至成帝召公卿議大將軍王鳳以為
太后與上及後宮可御舟船令吏民上長安城以避

水羣臣皆從鳳議左將軍王商獨曰自古無道之國
水猶不冒城郭今聖政和平上下相安何因當有大

水一日暴至此必訛言也不宜重驚百姓
上乃止有頃長安中稍定問之果訛言也
投舒姑而

靈變

宣城記曰臨城縣蓋山有姑泉俗傳有舒氏女與父析薪女坐泉處忽牽挽不動父遽告家比

還唯見清泉湛然母云女好音
樂乃作絃歌泉湧流雙鯉赴節
汎滄浪而浩歌
見上濯纓

注
或曰坳堂
莊子曰水之積也不厚則其負大舟也無力覆杯水於坳堂之上則芥為之舟

置杯焉則膠矣
水淺而舟大也
或稱瀾洑
爾雅釋水曰泉一見一否為瀦一有水一無水為瀾

沟瀾居例切

味識淄澠

列子曰白公問於孔子曰人可與微言乎孔子不應白公

曰若以石投水如何孔子曰吳之善游者能取之曰若以水投水何如孔子曰淄澠之合易牙嘗而知之

白公曰人故不可與微言也

鬪聞穀洛

國語曰周靈王二十二年穀洛鬪毀王宮王欲壅之

太子晉曰夫山土之聚也藪物之歸也川氣之通也澤水之鍾也夫天地取於高歸於下今吾執政無乃

實有所闕以滑二神王卒塞之王室大亂

雖灌注於百川

梁簡文帝海賦曰坎德游臻水

源深博灌注百川控清引濁

蓋權輿於一勺

禮曰今夫水一勺之多及其不測龜鼈蛟

龍魚鼈生焉貨財殖焉

稽夫循而難毀

淮南子曰天光可見而不可握水可循而不可

毀親而不尊

禮曰水之於人也親而不尊

動則叶乎智者

論語曰仁者樂

山智者樂水仁者靜智者動

靜則合乎聖人

莊子曰水靜則明燭鬚眉水靜猶明而况

聖人之

或浸彼苞蕭

詩曰冽彼下泉浸彼苞蕭

或不流束薪

詩曰

水不流

女媧之積蘆灰

淮南子曰往古之時四極廢九州裂水浩漾而不息於是

女媧積蘆灰

夏禹之鑿龍門

淮南子曰古者水為民害禹鑿龍門平水土民

乃得而

及夫瞻瀏其

詩曰瀏其清矣

觀苾彼

詩曰苾彼泉水亦流于淇

玄

灞素澹之名

潘岳西征賦曰玄灞素澹湯井温谷温洛榮河之瑞 易乾

曰盛德之應洛水先温九日乃寒五日變為五色玄黃尚書中候曰昔堯修壇河榮光出河休氣四塞

既近之而易溺

禮曰夫水近於人而易以溺人

亦翫之而多死

左傳

產謂子太叔曰惟以德者能以寬服民其次莫如猛夫火烈人望而畏之故鮮死焉水懦弱民狎而翫之則多死焉故寬為難也

下令斯同

管子曰措國於不傾之地下令於流水之源

臣心

是比

漢書曰趙昌佞諂奏尚書鄭崇與宗族通疑有姦上責崇曰君門如市人何以欲禁切主上對

曰臣門如市臣心如市

任重致遠之功

尚書大傳曰非水無以準萬里之平非水無以

通遠任重也

激濁揚清之美

尸子曰水有四德沐浴羣生通流萬物仁也揚清激濁蕩

去滓穢義也柔而難犯弱而難勝勇也道江流河惡盈流謙智也

取瓠葉以泉滍

博物

志曰庭州瀟水以金銅銀鐵器盛之皆漏唯瓠葉則不漏

發績籠而波委

績述征記曰梁

鄒城西有籠水云齊孝婦誠感神明涌泉發於室內潛以績籠覆之由是無發汲之勞家人疑之時其出

而搜其室試發此籠而泉遂涌流漂居宇故名曰籠水

至有陷空桑之里

呂氏春秋

曰有仇氏女子採桑得嬰兒于空桑之中獻之其君命庖人養之察其所以然曰其母伊水之上嘗夢神

人告之曰曰出水而東走明日視曰果出水告其鄰東走十里而故邑盡為水身化為空桑故命之曰伊

尹化歷陽之都

淮南子曰歷陽有老嫗常行仁義有過者謂曰此當沒為湖視東城門有

血便走上山勿反顧也自此嫗數往視門門吏問之嫗對如其言吏殺難以血塗門明日嫗早往視門有

血便走上山歷陽遂沒為湖

枯浮曲所

見春賦秦昭受水心註

月射方諸

淮南

子曰方諸見月則津而為水又萬畢術曰方諸取水注曰方諸形若柢無耳以五石合治之十二月壬子

夜半作之以承月水即來也

詠鮑照之九塗

鮑照詩曰九塗平望若水雙闕似浮雲

馬氏之行車

後漢書曰明德馬后好儉常曰前過濯龍門見外家起居者車如流水馬如龍

顧視御者不及遠矣

洛宜禾而渭宜黍

此淮南子之文也

方有玉而圓

有珠

尸子曰凡水方折者有玉圓折者有珠清水有黃金龍淵有玉英

勺蠶而滄海

寧測

見天賦誰能管窺註

決江則波臣有餘

莊子曰貸粟於監河侯侯曰我將得

邑金貸于三百斤可乎周曰昨見中道而呼者周顧視車轍中有鮒魚焉曰東海之波臣豈肯有斗升之

水活我哉周曰我且南遊說吳楚之王激西江之水而迎子可乎魚曰吾得斗升之水然活耳君乃言此

曾不如早索我於枯魚之肆

斯流濕之為美豈獨薦獻於潢汙

水流濕火就燥左傳曰筐筥錡釜之器潢汙行潦之水可以薦于鬼神可以羞于王公

天下諸山所在

州縣有時而更山川千古不易
詳察山與水則天下可運于掌

泰山為東岳在泰山博縣西北

岱宗也

蒙山在沂州

費縣 嶧山在兗州鄒縣

霍山為南岳在廬江灑縣西南

天柱山也

塗山在濠州

鍾離縣 八公山在壽州壽陽縣

華山為西岳在弘農華陰縣西南

古文之敦物山也

雷首山在河東蒲坂縣東南

砥柱在河東大陽縣東河中

王屋山在河東垣曲縣東北也 林慮在相州西

白鹿在衛州北

太行山在河內野王縣西北

王烈得石髓處

封龍在趙州西

井陘在恒州西

恒山為北岳在中山曲陽縣西北碣石山在遼西臨

渝縣南水中也

大禹鑿其石石夾而納河

析城山在河東濩澤縣西南

大嶽山在河東永安縣

壺山在河東北屈縣東 雷首在蒲州 介山在汾州

崞山在代州

一名五臺山

南龍門山在河東皮氏縣西

梁山在馮翊夏陽縣西北河上 太白在京兆武功縣

荆山在馮翊懷德縣南 九峻在奉天縣

岐山在扶風美陽縣西北

關山在扶風汧縣之西也 吳山在隴州 熊耳在

商州上洛縣

隴山終南山敦物山在扶風武功縣西南也 隴坻

在清水縣

須山在隴西臨洮縣西南禹貢中條山也 秦嶺在秦州上邽縣

嶠冢山在隴西氐道縣之南南條山也

烏鼠同穴山在隴西首陽縣西南

積石在隴西河關縣西南山海經云山在鄜林東河所入也

都野澤在武威縣東北縣在姑臧城北三百里東北即休屠澤也古文以為猪野也

合離山在酒泉會水縣東北合黎山也 崆峒在肅州

西傾在洮州之西南

流沙地在張掖居延縣東北

居延澤在其縣故城東尚書所謂流沙者也

三危山在燉煌縣南

山海經曰三危之山三青鳥居之是山也廣圓百里在鳥鼠山

西即尚書所謂竄三苗于三危也

朱圉山在天水北冀縣南

即冀縣山有石鼓開山圖謂之天鼓山

峨眉山在嘉州 青城在蜀州

岷山在蜀郡湔氐道西

漢書以為瀆山者也

巫峽在夔州巫山縣

銅梁在合州石鑿縣

蟠冢山在弘農盧氏縣南

是山也穀水出其北林也

荆山在南郡臨沮縣東北

東條山也下和得璞玉于是山

峴山在

襄州襄陽縣

內方山在江夏竟陵縣東北

禹貢立章山也

大別山在廬江六安縣西南

外方山崧高是也

桐柏在南陽平氏縣東南

陪尾山在江夏安陸縣東北

衡山在長沙湘南縣南

禹治洪水血馬祭衡山於是得金簡玉字之書

大庾

在虔州南康縣 武夷在建州崇安縣

九江地在長沙下雋縣西北雲夢澤在南郡華容縣之

東東陵地在廬江金蘭縣西北敷淺原地在豫章歷

陵縣西南彭蠡澤在豫章彭澤縣北 尚書所謂彭蠡既諸陽鳥攸居

也

匡廬山在江州潯陽縣茅山在潤州丹陽句容二縣

蔣山一名鍾山在潤州江寧縣

天目在杭州於潛縣會稽在越州山陰縣四明在餘

姚縣天臺在台州始豐縣括蒼縉雲在金華婺州

黃嶺在廣州寶安縣

澤陽山在下邳縣之西

羽山在東海祝其縣南也

縣即王莽之郵亭也尚書
經錄於羽山謂是山也

陶丘在濟陰定陶縣之西南

陶丘丘
再成也

荷澤在定陶縣東雷澤在濟陰成陽縣西北荷水在

山陽湖陸縣南蒙山在太山蒙陰縣西南大野澤在

山陽鉅野縣東北大邳地在河南城臯縣北

爾雅曰
山一成

謂之
邳

明都澤在梁郡睢陽縣東北益州池水在蜀郡汶江縣西南其一在邳縣西南皆還入江荊州沱水在南

郡枝江縣三澁地之南在邛縣之北尚書曰導漢水過三澁地說曰

沔水東行過三澁合流觸大別山陂故馬融
鄭玄王肅孔安國等咸以為三澁水名也

海內諸水之源

大江出汶山

今江出汶山郡北邊縣岷山東南經蜀郡捷為至江陽東北巴東建平宜都南

郡江夏弋陽安豐至廬江南界東北江出曼山南江

北經淮南下邳至廣陵郡入海

出高山高山在成都西入海在長州南

浙江出三天子都在其東

按地理志浙江出新安黟縣南蠻中東入海今錢塘

浙江是也黟即歙也浙音折

在閩西北入海餘暨南

餘暨縣屬會稽今為永興

廬江出三天子都入江彭澤西

彭澤今彭蠡也在尋陽彭澤縣

一曰天子鄣淮水出餘山在湖陽東義鄉西入

海淮浦北

今淮水出義陽平氏縣桐柏山山東北經汝南汝陰淮南譙國下邳至廣陵縣

入海湖陽縣今屬新野

湘水在舜葬東南匝西環之

環繞也今湘水出零陵營道縣陽湖山入江

入洞庭下

洞庭地穴也在長沙巴陵今吳縣南大湖中有包山下有洞庭穴道潛行水底云無

所不通號為地脈

一曰東南西澤

漢水出鮒魚之山

書曰蟠冢導漾東流為漢業水經漢水出武都沮縣東狼谷經漢中

魏興至南鄉東經襄陽至江夏安陸縣入江別為沔水又為滄浪之水

帝顓頊葬于陽

九嬪葬于陰四蛇衛之

言有四蛇衛守山下

濛水出漢陽西入江聶陽西

漢陽縣屬朱提

溫水出崆峒崆峒山在臨汾南入河華陽北

今溫水在京北

陰盤縣水常溫也臨汾縣屬平陽

潁水出少室少室山在雍氏南入淮西鄆北

今潁水出河南陽成

縣乾山東山東南經潁川汝陰至淮南下蔡入淮鄆今鄆陵縣屬潁川

一曰緱氏

縣屬河南音鈞

汝水出天息山在梁勉鄉西南入淮極西北

今汝水出南陽

魯陽縣大孟山東北至河南梁縣東南經襄城潁川汝南至汝陰褒信縣入淮淮極地名

一曰淮

在期思北

期思縣屬弋陽

涇水出長城北山在郟鄆長垣北

皆縣名也郟音桎

北入

渭戲北

今涇水出安定朝那縣西筭頭平扶風至京北高陵入渭戲地名

今新豐縣

渭水出鳥鼠同穴山東注河入華陰北

鳥鼠同穴山今在隴西首

陽縣渭水出其東經南安天水畧陽
扶風始平京北弘農華陰縣入河
白水出蜀而東

南注江色微白濁今在梓潼白水縣源從臨洮之西
西傾山來經沓中東流通陰平至漢壽縣入

潛入江州城下江州縣屬豫章

沅水山出象郡鄣城西象郡今曰南也鄣城今屬武陵音淫
入東注

江入下雋西下雋縣今屬長沙雋音昨充反
合洞庭中水經曰沅水出於群柯且

蘭縣又東北至罽城縣為沅水又
東過臨沅縣又東至長沙下雋縣

贛水出聶都東山今贛水出南康南野縣西北音感
東北注江入彭澤西

泗水出吳東北而南西南過湖陵西而東南注東海

入淮陰北

今泗水出魯國卞縣西南至高平胡陵縣東南經沛國彭城下邳至臨淮下桐縣入淮

鬱水出象郡而西南注南海入須陵東南

肄水出臨晉西南

音如肄習之肄

而東南注海入番禺西

番禺

縣屬南海越之城下也

潢水出桂陽西北山

音黃

東南注肄水入敦浦西

洛水出洛西山東北注河入成臯之西

書云道洛自熊耳紫水經

洛水今出上洛冢嶺山東北經弘農至河南鞏縣入河成臯縣亦屬河南也

汾水出上窳北

音愈

而西南注河入皮氏南

今汾水出太原晉陽

故汾陽縣東南經晉陽西南經西河平陽至河東汾陰入河皮氏縣屬平陽

沁水出井陘山東東南注河入懷東南

懷縣屬河內河內北有井陘山

濟水出共山南東丘

共與恭同

絕鉅鹿澤

絕猶截度也鉅鹿今在高平

注渤海入齊琅槐東北

今濟水自滎陽卷縣東經陳留郡至濟陰北東北至高平

東北經濟南至樂安博昌縣入海今碣石也諸水所出又與水經違錯以為凡山川或有同名而異實或同實而異名或一實而數名似是而非似非而是且歷代久遠古今變易語有楚夏名號不同未得詳也

湔若淹涪羗巴

潛水禹貢沱潛既道是也舊云出巴郡

宕渠縣南入于江今宕渠

省入蓬
州伏虞

渝 巫溪

沮水出房州房陵縣景山 褒文 旬 涓 教

白水出景陵縣西入漢 澁水出義陽厥縣西北黃山
南入于涓 涓水出蔡陽縣大洪山澁水入焉

鄢水又謂之蠻水出房陵今房州治也 彭水杜云

出新城昌魏 沱水禹貢岷山導江東別為沱至枝

江入江邗溝水一名澗江一名邗溟溝 吳將伐齊伯
中國于廣陵

城南東築邗城城下掘深溝東北通射陽湖西北至
末口入淮通江于淮以便糧道邗城今在揚州江都

末口在楚州山陽射陽湖亦在楚州

桐水出廣德西南白石山西北

入丹陽湖

涌水在華容縣入 湛水出犍縣魚齒山東至定陵

入汝泝水出武陽東經襄城定陵入汝

定陵今許州舞陽

洧水出汝州魯山縣堯山入汝

漆水

一名漕一名澮

出滎

陽鄆城西北雞絡塢下東南入洧 黃水宛陵縣西

有黃水西至新鄭縣西入洧 洧水出滎陽密縣西

馬嶺山至長平入潁 肥水出合肥縣雞鳴山

北流二十

里分為二其一東流入
巢湖一西北流出淮

豪水旃然水出成臯縣入

汴

汴水

一名鴻溝一名浪蕩至泗州入淮

洙水杜云出魯城北下合泗

沂水舊云出益縣艾山至下邳入泗 濞水樂史云出

沂州費縣連青山 荷水首受濟東南入泗 馬頰水

澗水出臨淄縣北 時水一名砥至鄒縣入濟 灤水

在歷城縣西北入濟 華水出華不注山北入濟

華不注

注山在齊州歷城縣

淄水杜云出泰山梁父縣西入汶 汶

水出萊蕪縣西南經濟北至東平壽張縣入濟索

水出京縣西南嵩渚山東至抱罕入河 湟水出臨

羗北東至允吾入河 晉水 出晉陽縣西懸 文水

澮水 出絳州翼城 絳水 出絳縣西 涑一名洮 出解

喜縣秦葭谷至 淇水 出河內軹縣西北山 沮水 出

蒲阪縣入河 沈水 出河東縣界王屋山至 洹 出林

內軹縣東南 至温入河 濕縣為濟水至成臯河 屯氏河

東北至長樂 湛水 一名青水出共城縣北 濡 出高

鳴犢河 易水出北新城東至文安入滏 陽縣

東北至河間
鄭縣入易水
滏出靈丘縣高氏山
東至文安入大河
河自星宿海

至積石山始為中國河詳後
源後
瓠子河
汜東汜在
中牟逕

濟陰入河南汜出汝州襄城縣
浮城山北流至汜水縣入河
漣出穀城縣潛亭
北至偃師縣東

洛入澗出新安縣南白
石山東流入澧
伊出盧氏縣熊耳山
至洛陽縣入洛
汧

出隴州吳山西
北至汧源入渭
漆出鳳翔普潤縣東
至富平縣入渭
沮出邠州
界經華

原縣入灞出藍田縣終南山金谷
于漆東經臨潼縣北流入渭
澶出藍田谷
北入于灞

澧出鄆縣終南山豐谷
北至咸陽入于渭
鎬出鄆縣界至長
安入至清渠
斜

洮出臨洮西羗中北至枹罕東入河
潦水出衛臯

東出塞外衛臯山玄菟高句驪縣有潦東南注渤海

入潦陽

潦陽縣屬遼東

滹沱水出晉陽城南而西至陽曲北而東注渤海經河

間樂城東北注渤海也入越章武北

章武郡名

漳水出山陽東東注渤海入章武南新城汴陰縣亦有章水

濁漳出潞州長子縣東至武安縣合于清漳橫流故名衛漳桑欽云入海班云入河

山海經主於叙山而天下諸水之源何其詳也水經專於紀水而天下諸山所在莫不備焉蓋山者水之

根底水者山之委枝故談伊洛者必連熊外語漆沮者遂及荆岐亦自然之偶屬而不可判離者也况山殊名稱而盤峙之形不眩水異分合而就下之性不惑合二全經觀之斯得之矣

天下有三大水

傳曰天下有三處大水曰黃河曰長江并鴨綠江是也遼陽塞外有鴨綠江

三江

蔡沈黃震之說皆於下流求之名以地訛號隨世改
恐非禹貢三江之說也曷於上流發源求之徐鉉注
說文云江出岷山至楚都名南江潯陽為九道名中
江至南徐州名北江入海郭璞山海經注岷山大江
所出也岷山南江水所自出也岨山北江水所自出
也三江皆發源於蜀而注震澤禹貢紀其源而及其
委耳豈區區為其地記其瑣瑣改易不常之名乎觀
禹貢三江之說當以此意求之則余之言雖大禹復

生不能易矣

五湖

五湖之說有二周禮揚州其浸五湖國語與我爭三江五湖之利者非吳耶史河渠書於吳則通渠三江五湖貨殖傳曰夫吳有三江五湖之利太史公自叙曰登姑蘇望五湖此五湖者即具區也其派有五故曰五湖一名震澤一名笠澤張渤吳錄云五湖者大湖之別名以其周行五百里三萬六千頃故以五湖

名義興記大湖射湖貴湖陽湖洮湖為五湖酈道元
水經謂長唐湖射陽湖上湖陽湖大湖為五湖張守
節史記正義云菱湖游湖漢湖貢湖胥湖皆大湖東
岬五灣為五湖虞翻云大湖有五道東通長州松江
南通安吉霅溪西通宜興荆溪北通晉陵滬湖西南
通嘉興韭溪陸魯望云大湖上稟咸池之氣一水而
五名其名大同小異皆禹貢之所謂震澤也王勃文
襟三江而帶五湖則總言南方之湖洞庭一也青草

二也鄱陽三也彭蠡

一名宮亭湖
即禹貢滙澤

四也太湖五也

九州嶽鎮川澤辨

古者言九州者禹貢之冀兗青徐揚荊豫梁雍夏置也爾雅之冀幽營兗徐揚荊豫雍商置也職方之揚荊豫青兗雍幽冀并周制也商有幽營而無禹貢之青梁周有幽并而無禹貢之徐梁此三代九州之不同也爾雅何以知其為商制以郭璞註云也賈氏乃謂之夏置蓋以詩譜所謂梁雍荊豫徐揚之民被文

王之化文王當商之末有雍梁之民爾雅無梁州則不可為商制不知鄭譜但言文王三分天下有其二州名不足憑也若以爾雅為夏制則禹貢當為何制乎然爾雅有九州之名無九州之界而禹貢職方之界有相侵者請得而言之且職方冀州視禹貢為小以分冀為幽并如舜時制是一分而為三也雖無徐州而青兗之間是已雖無梁州而雍豫之間是已禹貢曰海岱及淮惟徐州又曰大野既潞今職方青州

之川淮泗兗州之澤大野是以徐而入青兗可知矣
禹貢曰華陽黑水惟梁州又曰厥貢璆鐵銀鏤砮磬
今職方豫州之山華山雍州之利玉石是以梁而入
於雍豫可知矣職方既以青兗而包徐故青州多入
禹貢之豫兗州多入禹貢之青禹貢豫州曰被孟潞
而職方青州曰其澤望諸豈非青之入豫乎禹貢青
州曰鹽絺海物而職方兗州曰其利蒲魚豈非兗之
入青乎職方既分冀而為幽并故幽州多入禹貢之

青徐冀州多入禹貢之雍職方曰幽州其山醫無閭
醫無閭在遼東漢光武以遼東屬青州後又屬幽州
茲非幽之入青乎職方曰幽州其澤獫狁其浸菑時
獫狁在長廣菑出萊蕪地理志以長廣屬徐州琅琊
有萊山茲非幽之入徐乎職方曰冀州其澤楊紆爾
雅謂秦有楊紆李淳風謂在扶風茲非冀之入雍乎
大抵周以禹之一冀州分而為三以禹之八州合而
為六其勢必不能如禹之舊杜氏與二鄭不本此說

不改職方之字則改職方之意後鄭以潁宜屬豫澁
宜屬荆不知幽青雍梁兗豫尚多侵入況去荆豫相
距之州乎改其意而釋者此也先鄭以青之淮字當
為睢沫當為洙直謂宋有次睢魯有洙泗曾不謂青
之包徐也先鄭謂雍之弦當為沂蒲當為浦直謂雍
有沂水曾不謂吳山在沂而有弦蒲之藪杜氏以荆
之湛當為淮後鄭以兗之盧維為雷雍直以湛與盧
維無所經見曾不謂地名變易不一不可一一知也

改其字而釋者此也至如山鎮藪澤又有可得而辨者九州山鎮分言之則曰四鎮五嶽總言之皆曰山鎮揚之會稽青之沂山幽之醫無閭冀之霍山固為四鎮矣而五嶽在虞夏商周與世有不同舜典南岳孔安國以為衡山職方曰山鎮曰衡山是衡為南岳明矣而爾雅有二說江南衡山為南嶽又以霍山為南嶽蓋漢武帝元封五年巡南郡禮天柱山號曰南嶽是以衡山之神遼遠又移其神於霍山也說者謂

一山兩名則失之此漢嶽之與虞周不同也王制有恒山衡山而不言大華嵩山舜典有四嶽而不言中嶽蓋王制南北以山為至東西以水為至故五嶽言其二舜典言四方巡狩所至之地故五嶽言其四秦山為東嶽華山為西岳恒山為北嶽衡山為南嶽嵩山為中嶽嵩大也即禹貢之外方也初無嶽山之名職方山鎮有恒有岱有華有衡不言嵩高而有岳山蓋周都在五嶽之外故以雍之吳山為嶽山此周嶽

之與虞夏商不同也故曰山鎮之有可辨者此也九州澤藪在職方為九在爾雅為十蓋職方以州言爾雅以國言也爾雅以吳越有具區即此揚也楚有雲夢即此荆也鄭有圃田即此豫也宋有孟豬即此青也魯有大野即此兗也秦有楊紆即此冀也燕有昭餘祁即此并也此藪澤之名同也獨晉之大陸齊之海嶧周之焦獲爾雅與職方不同然爾雅之濟即職方之幽以其幽之澤藪糞養而糞養在徐也爾雅之

燕為職方之并以其并之昭餘祁而燕為幽州也爾
雅之周為職方之雍爾雅之秦亦為職方之雍職方
既以弦蒲為雍所以不受焦穫爾雅之晉為職方之
冀職方既以冀之界入於秦以楊紆為冀所以不受
大陸此澤藪之名異也故曰澤藪之可辨者此也然
嘗考之禹貢之別九州隨山濬川而終之曰庶土交
征底慎財賦咸則三壤成賦中邦故夏書謂之禹貢
今職方之辨九州制畿封國而終之曰制其職各以

其所能制其貢各以其所有故周官謂之職方氏鄭氏曰職主也主四方之職貢者其知成周設官之意乎周人設官以職貢為名而制貢又曰各以其所有此正禹貢任土作貢之意也不原周人設官制貢之意而徒區區於九州山川之辨是特一地理書爾而於治道何益

古今山水載籍總考

禹貢導嶺及岐至于荆山逾于河壺口雷首至于大

岳底柱析城至于王屋太行恒山至于碣石入于海
西傾朱圉烏鼠至于大華熊耳外方桐柏至于陪尾
導嶧冢至于荆山內方至于大別岷山之陽至于衡
山過九江至于敷淺原導弱水至于合黎餘波入于
流沙導黑水至于三危入于南海導河積石至于龍
門南至于華陰東至于底柱又東至于孟津東過洛
汭至于大伾北過洛水至于大陸又北播為九河同
為逆河入于海嶧冢導漾東流為漢又東為滄浪之

水過三澁至于大別南入于江東匯澤為彭蠡東為北江入于海岷山導江東別為沱又東至于澧過九江至于東陵東迤北會為滙東為中江入于海導沆水東流為濟入于河溢為滎東出于陶丘北又東至于荷又東北會于汶又北東入于海導淮自桐柏東會于泗沂東入于海導渭自烏鼠同穴東會于澧又東會于涇又東過漆沮入于河導洛自熊耳東北會于澗澠又東會于伊又東北入于河

周禮東南曰揚州其山鎮曰會稽其澤藪曰具區其
川三江其浸五湖正南曰荊州其山鎮曰衡山其澤
藪曰雲夢其川江漢其浸潁湛河南曰豫州其山鎮
曰華山其澤藪曰圃田其川滎雒其浸波澨正東曰
青州其山鎮曰沂山其澤藪曰望諸其川淮泗其浸
沂沐河東曰兗州其山鎮曰岱山其澤藪曰大野其
川河涕其浸盧維正西曰雍州其山鎮曰岳山其澤
藪曰弦蒲其川涇汭其浸渭洛東北曰幽州其山鎮

曰醫無閭其澤藪曰豸養其川河涉其浸菑時河內
曰冀州其山鎮曰霍山其澤藪曰楊紆其川漳其浸
汾潞正北曰并州其山鎮曰恒山其澤藪曰昭餘祁
其川虜池嘔夷其浸洙易

王制自恒山至于南河千里而近自南河至于江千
里而近自江至于衡山千里而遙自東河至于東海
千里而遙自東河至于西河千里而近自西河至于
流沙千里而遙西不盡流沙南不盡衡山東不盡東

海北不盡恒山

爾雅十藪

魯有大野

今高平鉅野縣東北大澤是也

晉有大陸

今鉅鹿北廣阿澤是也

秦

有楊陜

今在扶風汧縣西

宋有孟諸

今在梁國睢陽縣東北

楚有雲夢

今南郡華容縣東南巴丘湖是也

吳越之間有具區

今吳縣南太湖即震澤是也

齊有海隅

海濱廣斥

燕有昭余祁

今大原鄆陵縣北九澤是也

鄭有圃

田

今滎陽中牟縣西圃舊澤是也

周有焦護

今扶風池陽縣瓠中是也

爾雅九府

東方之美者有醫無閭之珣玕琪焉

醫無閭山名今在遼東珣玕琪

玉屬東南之美者有會稽之竹箭焉

會稽山名今在山陰縣南竹箭篠也

南方之美者有華山之金石焉

黃金磬石之屬

西方之美者

有霍山之多珠玉焉

霍山今在平陽永安縣東北珠如今雜珠而精好

西北

之美者有崑崙虛之瑇瑁琅玕焉

瑇瑁美玉名琅玕狀似珠也山海經

曰崑崙山有琅玕樹

北方之美者有幽都之筋角焉

幽都山名也謂多野

牛筋角東方之美者有斥山之文皮焉

虎豹之屬皮有鱗綵者中

有岱嶽與其五穀魚鹽生焉

言泰山有魚鹽之饒

爾雅四極

東至于秦遠西至于邠國南至于濮鉉北至于祝栗

謂之四極

皆四方極遠之國

觚竹北戶西王母日下謂之四

荒

觚竹在北北戶在南西王母在西日下在東皆四方昏荒之國次四極者

九夷八狄七

戎六蠻謂之四海

九夷在東八狄在北七戎在西六蠻在南次四荒者

岨齊州

以南戴日為丹穴

岨去也齊中也

北戴斗極為空桐戴東至

日所出為太平西至日所入為大蒙

即蒙也

太平之人

仁丹穴之人智大蒙之人信空桐之人武

地氣使之然

爾雅釋野

邑外謂之郊郊外謂之牧牧外謂之野野外謂之林

林外謂之坳

邑國都也假令百里之國五十里之界界各十里也

下溼曰隰大

野曰平廣平曰原高平曰陸大陸曰阜大阜曰陵大

陵曰阿可食者曰原

可種穀給食

陂者曰阪

阪陀不平

下者曰

溼

公羊傳曰下平曰隰

田一歲曰菑

今江東呼初耕地反草為菑

二歲曰新

田

詩曰于彼新田

三歲曰畬

易曰不畬畬

爾雅釋山

河南華

華陰山

河西嶽

吳嶽

河東岱

岱宗泰山

河北恒

北嶽恒山

江

南衡

衡山南嶽

山三襲涉

襲亦重

再成英

兩山相重

一成坯

書經曰至

于大

山大而高崧

今中岳嵩高

山小而高岑

言岑

銳

岑言岑

而高嶠

言織峻

卑而大危

危廣貌

小而衆歸

小山

小山

叢羅

大山峘

度謂高過

屬者嶧

言絡繹相連屬

獨者蜀

蜀亦孤獨

上正章

山上

平宛中隆

山中

山春岡

謂山長脊

未及上翠微

近上

山頂

旁坡

冢巔萃者屢屨

謂山峯頭巔巔

山如堂者密

形似堂室者尸子曰松柏之鼠

不知堂密之有美樅

如防者盛

防隄

巒山墮

謂山形長狹者

荆州謂之巒詩曰墮山喬

嶽重甌隰

謂山形如累兩甌甌甌山形似之因以名云

左右有岍厓

夾山有岍

大山宮小山霍

宮謂圍繞之禮記曰君為廬宮之是也

小山別大山鮮

不相連山絕陁

連山中斷絕

多小石礫

多礫

多大石礫

多盤石

多草木岵無草木屺

皆見詩

山上有水埒

有停泉

夏有水

冬無水灤

有停潦

山磧無所通谿

所謂窮瀆者雖無所通與水注川同名

石戴土謂之崔嵬

石山上

土戴石為砒

土山上

山夾

水澗陵夾水瀆

別山陵澗水者之名

山有穴為岫

謂巖穴

山西曰

夕陽

暮乃見日

山東曰朝陽

旦即見日

泰山為東岳華山為西

岳霍山為南岳

即天柱山
潛水所出

恒山為北岳

常山

嵩高為中

岳

大室山也

梁山晉望也

晉國所望祭者今在馮翊夏陽縣西北臨河上

爾雅釋水

泉一見一否為瀦

瀦有貌

井一有水一無水為瀦

海山

經曰天井夏有水冬無水即此類也

溫泉正出正出湧出也

公羊傳曰直出直猶

正也沃泉縣出縣出下出也

從上溜下

沆泉穴出穴出反出

也

從旁出也

涇闞流川

流通

過韓回川

旋流

灘反入

即河水決出復還入

者河之有難猶江之有泥

潭沙出

今江東呼水中沙堆潭音旦

汧出不流

水泉潛出

便自停歸異出同流肥毛詩傳曰所出漢大出尾下

成汙池同所歸異為肥

今河東汾陰縣有水口如車輪許瀆沸湧出其深無

限名之為漢馮翊郃陽縣復有漢亦如之相去數里

而夾河中階上又有一漢漢源皆潛相通在汾陰

者人雖其流以為陂種稻呼其本所出處為漢魁此

是也尾水醮曰磨謂水自河出為灘書曰灘濟為

猶底也沮會同漑汶為瀾浴為波漢為潛書曰沱淮為許江為沱書曰

峽山導江過為洵潁為沙汝為瀆詩曰遵彼汝瀆皆

東別為沱大水溢出別為小水之水決入澤中者水決之澤為汧亦名之為汧決復入為記水

去復還河水清且瀾漪大波為瀾言渙小波為淪言蘊

直波為徑

言徑

江有沱河有灘汝有瀆

此故上水別出耳所作者

見澣水厓

水邊地

水草交為湄

詩曰居河之湄

以衣涉水為厲

衣謂

繇膝以下為涉帶以上為厲

繇也

潛行為泳

水底

行也晏子春秋曰潛行逆百步順流七里

汎汎楊舟緋縹維之緋

縹索縹

綏也

繫

天子造舟

維連四船

大夫方舟

併兩船

士特舟

單船庶

人乘泝

併水以渡

水注川曰谿注谿曰谷注谷曰溝注溝

曰澮注澮曰瀆

此皆道水轉相灌注所入之處名

逆流而上曰泝洄

順流而下曰泝游

皆見詩

正絕流曰亂

直橫渡也書曰亂于河

江

金史卷之三十一
卷三十
河淮濟為四瀆四瀆者發源注海者也

爾雅釋名

山頂曰冢亦曰巔亦曰椒山脊曰岡山大而高曰嵩
小而高曰岑銳而高曰嶠卑而大曰扈小而衆曰巋
上大下小曰嶽山有草木曰岵無草木曰岵石戴土
曰礪土戴石曰崔嵬山東曰朝陽山西曰夕陽山足
曰麓山穴曰岫山邊曰崖崖之高曰巖上秀者曰峰
陬隅高者曰山坡曰坂山三襲曰陟山再成曰坼山

中絕曰陁未及上曰翠微山屬曰澤山狹而高曰巒
巒山曰墮二山曰阜曲阜曰阿大阜曰陵山陵曰丘
大唐六典

一曰關內古雍州之境東拒河西抵隴阪南據終南
之山北邊沙漠其名山有大白九峻吳山岐山梁山
太華之嶽在焉其大川有涇渭灞澇二曰河南古豫
兗青徐四州之境東盡于海西距函谷南瀕于淮北
薄于河名山則有三峭少室砥柱蒙山澤山嵩岱二

嶽在焉大川有伊洛汝潁沂泗之水淮濟之瀆三曰
河東古冀州之境東拒恒山西據河南抵首陽大行
北邊匈奴其名山則有雷首介山霍山崞山其大川
有汾晉及丹沁之水四曰河北古幽冀二州之境東
並於海南迫于河西距大行恒山北通榆關薊門其
名山有林慮白鹿封龍井陘碣石之山恒嶽在焉其
大川有漳淇呼沱之水五曰山南古荆梁二州之境
東接荆楚西抵隴蜀南控大江北據商華之山其名

山有嶠冢熊耳巫峽銅梁荆山峴山大川則有巴漢
沮溝之水六曰隴右古雍梁二州之境東接秦州西
逾流沙南連蜀及吐蕃北界朔漠其名山有秦嶺隴
坻西傾朱圉積石合黎崆峒三危烏鼠同穴其大川
則有洮水弱水羌水河瀆及休屠之澤在焉七曰淮
南古揚州之境東臨海西抵漢南據江北距淮其名
山有八公瀟大別霍山羅山塗山其大川有滁淝之水
巢湖在焉八曰江南古揚州之南境東臨海西抵蜀

南極嶺北帶江其山有茅山蔣山天目會稽四明天
台括蒼縉雲金華大庾武夷廬山而衡嶽在焉其大
川有浙江湘贛沅澧之水洞庭彭蠡大湖之澤九曰
劔南古梁州之境東連牂柯西界吐蕃南接羣蠻北
通劔閣其名山有峨眉青城鶴鳴岷山其大川有涪
碓及西漢之水江瀆在焉十曰嶺南古揚州之南境
東南際海西極羣蠻北據五嶺其名山有黃嶺及鬱
之水靈川在焉其大川有桂水鬱水

中國五嶽

東嶽泰山嶽神天齊王領仙官玉女九萬人山周回
二千里在兗州奉符縣羅浮山括蒼為佐命蒙山東
山為佐理南嶽衡山嶽神司天王領仙官玉女三萬
人山周回二千里以霍山潛山為儲副天台山句曲
山為佐理中嶽嵩高山嶽神中天王嶺仙官玉女一
十二人為五土之主周回一千里在洛州考城縣少
室山東京武當山為佐命大和山陸渾同佐理西嶽

華山嶽神金天王領仙官玉女七萬人山周回二千
里在華州華陰縣地肺山女兒山為佐命西域山青
城山峨眉山蟠冢山戎山西玄吳山同佐理北嶽恒
山嶽神安天王領仙官玉女五萬人山周回二千里
在鎮州河逢抱犢山為佐命玄隴山崆峒山洛陽山
為佐理

五鎮海瀆

東鎮沂山東安王南沂州南鎮會稽山永興公在越

州中鎮霍山應聖公在晉州西鎮吳山成德公在隴州
北醫無閭廣陵公在營州東海廣德王在萊州界南
海廣利王在廣州界西海廣潤王在同州界北海廣
澤王在洛州界江瀆東源王在益州立春祭淮瀆長
源王在唐州立夏祭河瀆西靈源王在同州立秋祭
濟瀆北青源王在洛州立冬祭漢瀆漢源王在梁州

十大洞天記附

第一王屋洞小有清虛天周回萬里王褒所理在洛

州王屋縣第二委羽洞大有虛明天周回萬里司馬
季主所理在武州第三西城洞天玄總真天周回二
千里王方平所理在蜀州第四西玄洞三玄極真天
廣二千里裴君所理在荊州第五青城洞寶仙九室
天廣二千里甯真君所理在蜀州青城縣第六赤城
洞上玉清平天廣八百里玉君所理在台州唐興縣
第七羅浮洞朱明曜真天廣一千里葛洪所理在博
羅縣第八句曲洞金壇單陽天廣百五十里茅君所

理在潤州句曲縣第九林屋洞左神幽墟天廣四百里
龍威丈人所理在蘇州吳縣第十括蒼洞成德隱真
天廣三百里平仲節所理在台州

三十六洞天

霍童山霍林洞天三千里在福州太山蓬玄洞天一
千里在兗州衡山朱陵洞天七百里在衡山縣華山
總真洞天三百里在西嶽常山總玄洞天一百里在
北嶽嵩山司真洞天三千里在中嶽峨眉山凌虛火

妙洞天三百里在峨眉縣廬山洞虛詠真洞天三百
里在潯陽縣九天使者四明山丹山赤水洞天一百
八十里在餘姚縣劉樊得道會稽山極玄陽明洞天
三百里在會稽縣夏禹探書方白山德玄洞天五百
里在盩厔縣大上所現壇西山天寶極玄洞天三百
里在南昌縣洪崖所居大圍山好生上元洞天三百
里在醴陵縣傅天師所居石室仙壇潛山天柱司玄
洞天一千三百里在桐城縣九天司命武夷山昇真

化玄洞天百二十里在建陽縣毛竹武夷君鬼谷山
貴玄思真洞天七百里在貴溪縣華蓋山容城大王
洞天四千里在永嘉縣玉笥山大秀法樂洞天百二
十里在新淦縣蓋竹山長耀寶光洞天八十里在黃
巖縣葛仙公所居都嶠山大上寶玄洞天八十里在
容州白石山秀樂長真洞天七十里在容州北源勾
漏山玉闕寶圭洞天三十里在容州有石室丹井九
疑山湘真天虛洞天三十里在道州延唐縣洞陽山

洞陽隱真洞天百五十里在長沙縣幕阜山玄真大
元洞天二百里在鄂州唐軍縣吳猛上昇處大酉山
大酉華妙洞天一百里在辰州界金庭崇妙洞天三
百里在越州剡縣褚伯玉沈休文居之麻姑山丹霞
洞天一百五十里在南城縣麻姑上昇仙都山仙都
祁仙洞天三百里在縉雲縣黃帝上昇青田青田大
鶴洞天四十里在青田縣葉天師居之天柱山大滌
玄蓋洞天一百里在餘杭縣天柱觀鍾山朱湖太生

洞天一百里在上元縣良常山良常方會洞天三十里
在茅山東北中茅君所居桃源山白馬玄光洞天七
十里在武陵縣金華洞天五十里在金華縣有皇初
平赤松觀紫蓋山紫玄洞天八十里在韶州曲江縣
七十二福地

地肺山在茅山乃紫陽觀乃許長宅后塹原在黃巖
縣嶠嶺東仙源在温州白溪南田處州青田玉瑠山
在温州海中青嶼山在東海口崆峒在夏州黃帝所

到郁木坑在玉笥山乃蕭子雲宅武當山在鈞州七
十二洞岩山在岳州青草湖桂源在連州抱福廖先
生宅虛墟在台州天台山司馬天師居處沃洲在郊
縣天姥峯在天台南劉阮迷路處若耶溪在越州南
樵風徑巫山在夔州大仙壇清遠山在婺州浦陽縣
東白山安山在交州安期先生居處馬嶺在柳州蘇
耽上昇處鵝羊山在長沙縣許真君斬蜃處洞真壇
在長沙南嶽祝融峰洞宮在長沙北洞靈源在南嶽

招仙觀上峰陶山在安固縣貞白先生修藥處爛柯
山在信安縣龍虎山在貴溪縣天師宅勒溪在建陽
縣靈應在饒州施真人宅白水源在龍州金精山在
處州處化縣張女貞修道處閣皂山在新淦縣天師
行化處始豐山在豐城縣逍遙在洪州連西山許真
君修道處東白源在新建縣鍾真人宅鉢池在楚州
北王真人修道處論山在丹徒縣毛公山在蘇州洞
庭湖中包山七十二壇劉根先生修道處九華山在

青陽縣竇真人上昇處桐柏山在桐柏縣淮水上源
平都山在鄴都縣陰君上昇處綠羅山在常德武陵
北章觀山在澧州澧陽縣抱犢山在潞州上黨莊周
所居大面山在青城羅真人居虎溪在湖州安吉方
真人修道處元晨山在都昌縣馬跡山在舒州王先
生修洞淵法處德山在朗州武陵縣善卷先生居古
名枉山雞籠山在歷陽縣玉峰在藍田商谷在商州
上洛縣四皓所隱處陽羨山在常州儀興縣張公洞

長白山在兗州中條山在河中永樂縣侯真人上昇
處霍山在壽州雲山在朗州四明山在黎州魏微上
昇處緱氏山在洛州子晉上昇處臨邛山在邛州白
鶴山相如所居少室山連中嶽翠微山在終南太乙
觀大隱山在慈谿縣天寶觀白鹿山在杭州天柱山
吳天師所隱大若岩在永嘉縣貞白先生修誥處嶧
山在萊州嶗嶧山仙公會真處西白山在越州郟趙
廣信上昇處天印山在昇州上元縣洞玄觀仙公行

化處金城山在雲中郡三皇井在温州仙巖山沃壤
海州東海縣三疎修道處

按上五段皆唐杜光庭所記可見嶽鎮海瀆在歷朝
皆有王公封號至我朝祀典始盡釐正真百代不刊
之典也洞天福地之說俱在道家雖甚不經然山川
古蹟勝境亦緣此可考而知也故附錄于此

圖書編卷三十

欽定四庫全書

圖書編卷三十一

明章潢撰

禹貢九州總叙

昔堯時禹別九州至舜分為十二州周職方復分為九州而又與禹異漢承秦分天下為郡國而復以十三州統之晉時分州為十九自晉以後為州架多所統架狹且始建之地亦不一所姑以揚州言之自漢

以來或治歷陽或治壽春或治曲阿或治合肥或治
建業而唐始治廣陵至南北分裂之後務為夸大僞
置諸州以會稽為東京口為南廣陵為南充歷陽為
南豫歷城為南冀襄陽為南雍魯郡在禹跡為徐州
而漢則屬豫州所領陳留在禹跡為豫州而晉則屬
兗州所領離析磔裂循名失實而禹跡之九州罕不
獲可考矣夾漈鄭氏曰州縣之設有時而更山川之
秀千古不易故禹貢分州必以山川定疆界使兗州

可移而濟河之兗州不可移梁州可遷而華陽黑水之
梁不可遷故禹貢為萬世不易之書後之作史者主
於郡縣故州縣移易其書遂廢矣善哉言也杜氏通
典亦以歷代郡縣析於禹九州之中今所論著九州
則以禹跡所統為準庶歷代之郡縣可考矣

禹貢奠高山大川其九州之名以地名州而不以州
分地蓋荆衡萬古不徙之山而河濟者萬古不泯
之水也以故荆兗之名得附河濟荆衡而不滅萬世

而下求禹貢九州之域者皆可得而考也九州惟冀
無所至者舉八州而畧自見亦所以別帝都而大一
統也九疇之皇極貢法之公田見於此矣揚不言南
青雍不言北以其境接外國提封叛服不常乎

古九州

冀州

禹貢曰冀州既載壺口雷首至於太嶽既修太

原至於岳陽

太原霍山

覃懷底績至于衡漳厥土惟白

壤恒衛既從太陸既作島夷皮服夾石碣石入于河

舜以冀州南北濶大分衛水為并州燕以北為幽州

並置牧周禮職方曰河內曰冀州山曰霍藪曰揚紆

川曰漳浸曰汾潞其利松柏人五男二女畜宜牛羊

穀宜麥稷東北曰幽州其山川豎無閭藪曰獫狁川

曰河泝浸曰菑時其利魚鹽人一男三女畜宜四擾
穀宜三種正北曰并州山曰恒山數曰昭餘祁川曰
虜池漚夷浸曰涿易其利布帛人二男三女畜宜五
擾穀宜五種其地險易帝王所都亂則冀安弱則冀
強荒則冀豐故曰冀州

風俗冀州堯都所在疆域尤廣山東之人性緩尚儒仗
氣任俠而鄴郡高齊國都浮巧成俗山西土瘠其人
勤儉而河東魏晉以降文學盛興閭井之間習於成

法并州近邊俗尚武藝左右山河古稱重鎮寄任之者必文武兼資焉

揚州

禹貢曰淮海惟揚州彭蠡既豬陽烏攸居三江既

入震澤底定篠蕩既敷草天木喬厥土塗泥島夷卉服沿于江海達于淮泗舜置十二牧揚其一也周禮職方曰東南曰揚州其山曰會稽數曰具區川曰三江浸曰五湖其利金錫竹箭民二男五女畜宜鳥獸穀宜稻揚州以為江南之氣躁勁厥性輕揚亦曰州

界多水水波揚也

風俗揚州人性輕揚而尚鬼好祀每王綱解紐宇內分

崩江淮濱海地非形勢得之與失未必輕重故不暇
先爭然長淮大江皆可拒守閩越遐阻僻在一隅憑
山負海難以得撫永嘉之後帝室東遷衣冠避難多
所萃止藝文儒術斯之為盛今雖閭閻賤品處力役
之際吟詠不輟蓋因顏謝徐庾之風扇焉

兗州禹貢曰濟河惟兗州九河既道雷夏既澤灘沮會

同厥土黑墳其草繇其木條浮于濟潔達于河浮于汶達于濟舜置十二牧兗其一也周禮職方曰河東曰兗州其山曰岱藪曰大野川曰河沖浸曰盧維其利蒲魚人二男三女畜宜六擾穀宜四種蓋以兗水為名又兗之為言端也信也

風俗

兗州舊疆界于河濟地非險固風雜數國秦漢以降政里混同人情朴厚俗有儒學及西晉之末為戰爭之地三百年間傷夷經甚自宇內平一又如近古

之風焉

青

禹貢曰海岱惟青州岨夷既畧濰淄其道厥土白

墳海濱廣斥萊夷作牧舜分青州為營州皆置牧周

以徐州合青州其土益大周禮職方曰正東曰青州

其山曰沂藪曰孟豬川曰淮泗浸曰沂沫其利蒲魚

人二男二女畜宜鷄狗穀宜稻麥蓋以土居少陽其

色為青故曰青州

風俗

青州古齊號稱強國憑負山海擅利鹽鐵太公用

之而稱富管仲資之而稱霸人情變詐好行機術豈因
輕重而為獎乎固知導人之方先務推以誠信逮于
漢氏封立近戚武帝臨極儒雅盛興晉惠之後淪沒
僭偽慕容建國二代而亡今古風俗頗革亦有文學
自國初立都督府命親王鎮之後漢氏之制信可取
也

徐州徐禹貢曰海岱及淮徐州淮沂其又蒙羽其藝厥土赤
殖草木漸苞羽畎夏狄嶧陽孤桐浮于淮泗達于河亦

舜十二牧之一周併徐州屬青州今分入兗州之域
蓋取舒緩之義或云因徐丘以為名

風俗徐方鄒魯舊國漢興猶有儒風自晉失其政天下

分製分居二境尤被傷殘彭城要害藩捍南國必爭
之地常置重兵數百年中無復講誦況今去聖久遠
人情遷蕩大抵徐兗其俗畧同

豫州禹貢曰荆河惟豫州伊洛瀍澗既入于河滎波既

豬導菏澤被孟諸厥土惟壤下土墳壚浮于洛河舜為

十二牧之一周禮職方河南曰豫州其山曰華藪
曰圃田川曰滎雒浸曰波澨其利麻漆絲枲人二男
三女畜宜六擾種宜五穀

風俗荆河之間四方輻輳故周人善賈趨利而織嗇韓

國分野亦有險阻自東漢魏晉宅於洛陽永嘉以後
戰爭不息元魏徙居纔過三紀建平二魏爰及齊周
河洛汝潁迭為攻守夫土中風雨所交宜乎建都立
社均天下之漕輸便萬國之享獻不恃隘害務修德

刑卜代之期可延久也

雍州

禹貢曰黑水西河惟雍州弱水既西涇屬渭汭漆

沮既從澧水攸同荆岐既旅終南惇物至于烏鼠原
隰底績至于豬野三危既宅三苗丕叙厥土黃壤浮
于積石至于龍門西河會于渭汭舜置十二牧雍其
一也以其四山之地故曰雍州周禮職方正西曰雍
州其山曰嶽藪曰弦蒲川曰涇汭浸曰渭洛其利玉石
人三男二女畜宜馬牛穀宜黍稷兼得禹貢梁州之

地矣

風俗

雍州之地厥田上上鄠杜之饒號稱陸海四塞為固披山帶河秦氏資之遂平海內漢氏高帝納婁敬說入都馬又徙齊諸田楚昭屈燕韓趙魏之後及豪族名家於關中強本弱末以制天下自是每因諸帝山陵則遷戶立縣率以為常故五方錯雜風俗不一漢朝京輔稱為難理其安定彭原之北沂陽天水之西接近邊陲多尚武節自東漢魏晉羌氏屢擾旋則

將姚弋揅五涼更亂三百餘祀戰爭方息帝都所在
是曰浩穰其餘郡縣習俗如舊

荆州禹貢曰荆及衡陽惟荆州江漢同歸於海九江孔

殷沱潛既道雲土夢作又浮于江沱潛漢逾于洛至
于南河舜置十二牧荆其一也周禮職方曰正南曰

荆州其山曰衡藪曰雲夢川曰江漢浸曰潁湛其利
丹銀齒革民一男二女畜及穀宜與荆州同荆強也
言其氣躁強亦言荆驚也或取名於荆山焉蓋蠻夷

之國槃瓠之種

即犬戎

詩人所謂蠻荆也

風俗

荆楚風俗畧同揚州雜以蠻夷率多勁悍南朝鼎

立皆以為重鎮然兵強財富地迫勢危稱兵跋扈無
代不有是以上游之寄必詳擇其人焉

梁州

禹貢曰華陽黑水惟梁州岷嶓既藝沱滯既道蔡

蒙旅平和夷底績厥土青黎自漢川以下諸郡皆其
封域舜置十二牧梁其一也以西方金剛其氣強梁
故曰梁州周禮以梁州併雍州當夏殷之間為蠻夷

之國所謂巴賈彭濮之人也

風俗巴蜀之人少愁苦而輕易淫佚周初從武王勝殷

東遷之後楚子强大而役屬之暨於戰國又為秦

有資其財力國以豐贍漢景帝時文翁為蜀郡守建

立學校自是蜀士學者比齊魯焉土肥沃無凶歲山

重複四塞險固王政微缺跋扈先起故一方之寄非

親賢勿居

南越自嶺而南當唐虞三代為蠻夷之國是百越之地

亦謂之南越古謂之雕題非禹貢九州之域又非周禮職方之限晉志隋書並會交廣之地為禹貢揚州之域云

風俗

五嶺之南人雜夷獠不知教義以富為雄珠崖環

海尤難賓伏是以漢室嘗罷棄之大抵南方遐阻人強吏懦豪富兼併役屬貧弱俘掠不思古今是同其性輕悍易興逆節爰自前代及于國朝多委舊德重臣撫寧其地也

統論九州風俗

司馬溫公曰國家之治亂本于禮而風俗之善惡繫乎習赤子之啼無有五方其聲一也及其長則言語不通飲食不同有至死莫能相為者是無他所習異也至于古今亦然有服古之衣冠于今之世則駭于州里矣服今之衣冠于古之世則僂于有司矣衣冠烏有是非哉習與不習而已矣夫民朝夕見之其心安焉以為天下之事正應如此一旦奪之使去而就

彼則無不憂疑而莫肯從矣昔秦廢井田而民愁怨
王莽復井田而民亦愁怨趙武靈王變華服效夷服
而臣下不悅彼魏孝文帝變夷服效華服而羣下亦
不悅由此觀之世俗之情安于所習駭所未見固其
常也是故上行下倣謂之風薰蒸漸漬謂之化淪胥
委靡謂之流衆心安定謂之俗及風化已失流俗已
成則雖辨智弗能諭也強毅不能制也重賞不能勸
也嚴刑不能止也自非聖人得位而臨之積百年之

功莫能變也

總論九州風土

唐虞三代風化尚矣春秋以降列國殊俗去古未遠
自秦漢以後千八百年總天下風土五變愈下蓋自
漢迄西晉一變六朝南北至周隋一變隋唐至安史
之亂一變五代一變宋金之交又一變安史滅君臣
之義未盡至五代則幾矣六朝南北正統未絕迨金
宋則危矣是皆闕天地大運非若春秋戰國異政殊

俗專可以人事論也故今之天下四海九州特山川
所隔有聲音之殊土地所生有飲食之異小小習尚
不同謂之土俗可也其好惡趨向則繫乎一氣之運
一代之治不得以異俗書也然自漢以來亦不得不
考古以証今必欲其道德一風俗同焉噫我太祖高
皇帝旋乾轉坤雷厲風行復古帝王所自有之疆土
明厥初生民所固有之彝倫禮樂衣冠九州一致以
功言之雖湯武不得與之比隆迨列聖相承二百餘

年禮教漸被民之心志耳目惟時之政令教誨是訓
是傲由此一變至道易易也振作鼓舞返樸還淳祛
佛老之詖亂崇周孔之正學以求復唐虞三代風化
誠于今之司風教者有厚望焉

冀州疆界



欽定四庫全書

圖書編
卷三十一

冀州之域

今山西之太原府平陽府大同府潞安府汾州澤州沁
州遼州所屬

河南之懷慶府彰德府衛輝府所屬

北直隸之順德府真定府順天府宣府河間府永平
府廣平府大名府之滑縣濬縣開州長垣縣淇河云
至大任今大任在濬縣故知濬滑在冀州之域古志
謂開州長垣在河故道之北則知開州長垣亦在冀

州之域

冀三面皆河東北阻陰山一帶故河折而南流為冀
西河至華陽折而東流為冀南河至大伾折而北流
為冀東河自西河出孟門之下南河壅砥柱之西東
河縈旋於大陸之野故禹首事壺口梁岐等處以殺
河勢大原則汾水所出大岳則汾水所經也

--	--	--	--	--	--	--	--

兗州疆界

大邑圖

圖書編

十六



兗州之域

山東濟南府所屬濟河禹城臨邑長清肥城青城陵
縣泰安州新泰萊蕪德州德平原平原武定陽信海豐
樂陵商河濱州利津霑化蒲臺東昌府所屬州縣兗
州府陽谷東阿平陰東平汶上壽張

直隸大名府所屬元城大名南樂清豐內黃開州冀
長垣東明魏縣

河南開封府所屬延津封丘原武陽武柘城


河間府吳橋縣有黃河故道而滄州古志徒駭在滄
州廢清池縣太史簡潔在本州南皮縣馬頰在景州
東光縣胡蘇高津在滄州慶雲縣鈎盤在獻縣此九
河相去不遠又與黃河故道相近蓋先儒皆于紙上
求之此古志得之士人父老之相傳為是所謂禮失
求之于野者况有文典可徵乎一則近海一則在正
北一則相去不遠似當時分合之迹河雖為冀兗之
界然兗地下九河之分則皆在兗地而其治之也惟

充為多故九河於充言之充不言山多平地也

青 州 疆 界

欽定四庫全書

圖書編
卷三十一



青州之域

山東之青州府萊州府登州府濟南所屬歷城章丘
鄒平淄川長山新城齊南濟陽及遼東廣寧以東

濰水出山東青州府莒州箕屋山莒州即箕縣也經
本府諸城入萊州府高密經本府昌邑濰縣東北入
海濰縣即都昌也淄水出本省濟南府泰安州萊蕪
縣原山北入本省青州府臨淄至博興縣入濟博興
即博昌今却至壽光入

青州北據海西南距岱據謂跨之也故海北遼東西
之地皆青州之域舜十二州青州為營州即遼東也
淄汶雖俱出原山惟汶入濟淄濰二水俱不達于河

--	--	--	--	--	--	--	--

八ノハノ


者三十一

徐州疆界

大邑司馬公

圖書編

三



徐州之域

南直隸徐州所屬淮安府海州所屬邳州所屬淮安府桃源縣沭陽縣清河縣安東縣

山東青州府所屬莒州沂水日照安丘諸城蒙陰兗州府所屬金鄉魚臺城武單縣濟寧州嘉祥鉅野鄆城曹州南境曹縣定陶揚徐二州當以淮為界淮北為徐淮南為揚

徐即魯境其川莫大於淮淮受泗沂泗受濼沭大野


即鉅野澤今南旺湖是也大江以北長河以南諸水
皆與大野相聯屬在當時已為入貢之路

揚州疆界

欽定四庫全書

圖書編

十三



揚州之域

南直隸應天府揚州府鎮江府蘇州府常州府松江府池州府徽州府寧國府太平府安慶府廬州府鳳陽府淮安府所屬山陽縣監城縣廣德州和州滁州浙江杭州府嚴州府嘉興府湖州府金華府衢州府處州府温州府寧波府紹興府台州府

江西南昌府饒州府廣信府臨江府吉安府瑞州府袁州府贛州府南安府建昌府撫州府九江府所屬

瑞昌縣南康府

揚北距淮南距海中貫長江大江之南西偏諸水莫
大於彭蠡東偏之水莫大於震澤三江即震澤下流

荆 州 疆 界

荆山



水經



圖書編

荆州府岳州府武昌府
安陸州今改承天府

江漢朝宗于海

衡山之南

十四

荊州之域

湖廣武昌府漢陽府荊州府岳州府襄陽府襄陽縣
宜城南漳房縣德安府黃州府辰州府永州府長沙
府寶慶府衡州府常德府沔陽州承天府舊安陸州
靖州郴州永順軍民宣慰使司保靖軍民宣慰使司
施州衛所屬大田軍民千戶所散毛宣慰司所屬郴
江西袁州府所屬萍鄉縣吉安府所屬龍泉縣永寧
縣所屬建昌地四川夔州府巫山縣大昌縣大寧縣

荆州據荆山南及衡山之陽江漢發源于梁入海于揚而二水會合于荆故曰朝宗于海九江即今洞庭諸水是也

豫州疆界



豫州之域

河南開封府祥符縣陳留杞縣通許太康尉氏洧川
鄆陵扶溝中牟蘭陽及六州所屬河南府所屬南陽
府所屬汝寧府所屬

湖廣襄陽府均州鄖縣上津竹山光化棗陽穀城

山東曹州西南地及定陶縣據地勢則直隸之東明
當亦屬豫

豫于九州為中土南跨漢抵荆山北距南河洛自西

來中分豫境受伊瀍澗三水以入于河

欽定四庫全書

月令
卷五十一

二十七

梁州疆界

欽定四庫全書

圖書

三八



梁州之域

四州成都府重慶府順慶府保寧府叙州府馬湖府
潼川州所屬眉州所屬瀘州所屬雅州所屬夔州府
所屬秦節雲陽萬縣開縣達縣新寧梁山建始陝西
鞏昌府成縣西和秦州漢中府金州所屬及沔縣芒
部軍民府龍川宣撫司平茶洞長官司疊溪軍民千
戶所湖廣施州軍民指揮使司西境其烏蒙等處原
不係域中者不載梁東據華山之南西距黑水岷山

江源所自出岷冢漢水所自出凡蜀中山南谿谷諸
水皆至江謂之沱山北谿谷諸水皆至漢謂之潛

雍州之域

陝西西安府延安府慶陽府平涼府鳳翔府臨洮府
鞏昌府所屬隴西安定會寧通渭漳縣寧遠伏羌階
州徽州兩當漢中府所屬南鄭褒城城固洋縣西鄉
鳳縣畧陽陝西行都司所屬及岷州衛洮州衛文縣
守禦千戶所古沙州又據岷嶓既藝則鞏昌府大半
當屬梁州據西傾因桓是來則臨洮州縣亦當有屬

梁者

雍西距黑水東據河弱水既西者衆水皆東惟此水
獨西也雍水莫大於渭中貫雍境涇漆沮皆在渭水
之北涇自北來注渭漆沮自東北來注渭惟澧水在
渭之南自東南來注于渭

九州總論

禹別四海為九州宜若有均一之制而較其道里廣

狹全不相侔濟河

兗州

淮岱

徐州

相去不能千里荆河

豫州

千里而近海岱青州千五百里而縮荆山衡陽荊州

二千里而遙東海西河

冀州

二千里而近壽春之淮潮

陽之海

揚州

相去且五千里龍門之黃河燉煌之黑水

雍州

相去以西千里至華陽黑水窮數千里而未知所

經是何廣狹之殊也或者九州之別品殊墳壤因土宜而別也故其道里無得而均然而荆河淮濟之間

徐兗豫三

州之境也

截長補短不能當淮海一州之半借使三

州土壤既殊不可得而并揚州之大獨不得而釐耶古今名儒訓釋禹貢多矣未始及此蓋難言之也竊

嘗討之九州之別蓋倣井田之法

田井之法始於黃帝

方里而

井九百畝中為公田八家皆私百畝同養公田而九

州之制一州為王圻八州建國以蕃王室是同養公

田之義也故其區別境壤不因土宇之小大不限山

川之間阻唯據民田多寡而均之耳然而四海之內

夷險不齊如荆河淮濟之間百舍坦夷萬頃一瞬而

又當中原要區民力修地利盡良疇既闢曠土實稀

故三州

徐兗豫

境土最為狹也至淮漢以南

揚州淮南
荊州漢南

函劍以西

雍州在函谷之西
梁州在劍閣之西

江湖盡濫關山重複又

僻在遐陬濶踈稼政平土蓋寡闢田甚難故四州境
土最為濶也嘗考西漢之時去古未遠方其極甚九
有民戶總計千二百餘萬而徐兗豫三州當五百五十
萬戶而荆揚雍梁四州僅當三百萬戶夫民非穀不
生穀非民不殖推其戶口之多寡足以見田疇之廣
濶據今驗古畧可知則九州之別唯民田是均斷可考
矣嗚呼治有本要帝王一道其來久矣神農之教曰

金城千仞湯池百步帶甲百萬而無粟不能守也故
舜咨十二牧以食哉惟時洪範八政以食為首周官
九職以農為先誠以國以民為本民以食為命而食
非田不給非民不耕有田而後可以賦民有民而後
可以立市朝建國家故先王所重唯民與田其所以
體國經野設官分職俟甸之制軍國之用皆取足於
民田故官無閒冗則兵無聚散家無豐儉民無勞逸
而國有致一之歛民有不二之業有田斯墾有穀斯

積雖遇水旱兵凶而民無菜色故得禮節著而榮辱彰時雍之治由之而致也爰自秦開阡陌而廢井田罷侯置守以要害為先而不復以民田為制魏晉而下因仍不改坐水陸而建都會革山河而峙城郭民物所聚南畝實遙形勢之地良田更寡至於平土多疇衣食所資則反以為畝夷不守之地而不知務大抵所重非所本所本非所重先王之制數口之家受田一頃後世邊隅小邑民戶不盈數百則地利安能有

盡至名大郡多至數十萬戶則又安能有數十萬頃
之田乎民無常產則荒於末業有天下國家者既不
能為之閑禁又從因之以規利遂致不耕之民多於
南畝有司者徒知日計之有餘而不知歲計之不足
也古之三年耕必有一年之蓄謂人皆土墾也今耜
耒之民僅能當天下十之三使歲皆有年則斯民僅
能糊口設一穀不登所在不免告糴然後知先王之
制所以為後世生民之計矣後王之治所以有愧前

王者匪惟德教之有虧固亦法制之未良也嗟乎今之天下亦古之天下宣先王之制唯可行於古之天下而不復可行於後世耶抑亦復之者未得其漸耳捨先王經國之制未易遽服而先王愛民之心詎可弭忘哉後王之治信能一政之設一令之施惟民與田是崇是重則王制雖未必更張而時雍之治豈云難致因考九州之制知先王以民田為重故備論於此庶幾按九州之國則足以見先王之心無徒論其道

里遠近山川夷險而已

崑崙九州

鄒衍言九州之外復有九州載於史記按其說曰東

南神州曰旦土

旦音與
晨同

正南邛州

隋書
作迎

曰深土西南

戎州曰滔土正南弇州

隋書作
拾州

曰升土正中冀州曰

白土西南柱州曰肥土西北玄州

隋書作
營州

曰成土東

北咸州曰隱土

管子作
急土

正東陽州曰信州其言本荒

唐漢唐人作河圖括地象全祖其說隋代郊天遂以

其名入從祀之位史炤通鑑釋文曰此九州其崑崙
統四方之九州乎或曰神農地過日月之表蓋神農
之九州也

柱州一本作桂州營州一本宮
州近是玄與宮相近未知孰正

九有左傳九丘八索九丘即九州也八索即八澤也見
淮南子或以八索為八卦謬矣通鑑外記云人皇氏
依山川土地之勢財度為九州謂之九有各居其一
而為之長人皇居中州以制八輔此引春秋命歷敘
文也九有取育草為義即後世所謂九州也中州則

人皇之都所謂寓逢中囿也八輔則餘八囿也囿亦
作有古字省文書以有九有之師詩九有有截又奄
有九有作九有解義尤明暢左傳謂之九藪陽紆雲
夢之屬總而言之九有也九囿也九州也九藪也一
也

九州
區域

九州之區域在昔顓頊及于陶唐分而為九其
制最大雍州西據黑水東距西河豫州西南至荆山
北距河冀州唐虞之都以餘州所至則是其境兖州

舊為濟河之間青州東北據海西距岱徐州東距海
北至岱南及淮梁州東據華山之陽西距黑水揚州
北據淮東南距海荊州北據山南及衡山之陽其雍
州西境流沙之西荊州南境五嶺之南所置郡縣並非
九州封域之內

禹貢一篇蓋夏史之追書也夫既夏史之追書則紀
成功之書爾夫既紀成功之書則禹之治水其先後
次第規模不盡見於此而於此可以推見爾何者禹

貢於九州獨冀州載修治之辭於上餘州則皆曰某山既藝既旅某水既道既從某澤既豬底定是皆紀其成功耳其先後次第不盡見於此矣而謂於此可以推見何也曰禹貢一篇分敘九州以經之數敘山川以緯之每州之下奠山川豬藪澤而後繼之以物土宜定田制又繼之以經賦法通朝貢其總敘於後則列山川敘原委總成功定封建別限制同教化是禹八年之間其先後次第經理規模廣大周密本末

具備蓋可想見而其先後次第則証諸禹所自言者而尤可見禹曰洪水滔天懷山襄陵予乘四載隨山刊木暨益奏庶鮮食此禹功之始也孟子所謂龍蛇禽獸之害消列山澤而焚之者也此禹貢分敘所以先於刊定諸山總敘所以先於導山是也禹曰予決九川距四海濬畎澮距川暨稷播奏庶艱食鮮食此禹功之中也孔子所謂盡力乎溝洫者也此禹貢分敘所以定山澤辨厥土等田制所以有導川則壤成

賦甸服等事也蓋禹之治水不但疏決江河患鑿阻
濬州而已凡天下平土皆制其井畝疏為溝澮以達
于川所謂畝澮者即田間之畝一同之澮也所謂溝
洫者即一井之溝一成之洫也則是井田之制自禹
定之此禹中間功庸最為周密至於所謂懋遷有無
萬邦作又所謂弼成五服至于五千外薄四海咸建
五長則禹功之終也分敘之浮于某水達于某水總
敘之六府孔修庶土交正迄于四海皆是也或曰書

者當時方言形容其勢耳愚昔聞之家廷曰洪水滔天即如後世淫雨大水河決之災但堯末年連歲有此然彭蠡諸水而指為漢滙此猶有可疑者予已釋而辨之矣抑蓋天地自然之變者如河徙而南沛涸而淤而冀兗青徐豫之支流水澤皆易其源委甚至九河淪而為小海碣石陷而在海中此尤其變之大者也夫大抵天地之間河海山陵土石自有消長之數而人之年壽有限則不及見其消長遂以為古今有

定形爾山與土石且有消長而況水乎若沈存中奏
使河北邊太行而北山崖之間往往銜螺蚌之殼及
石子橫巨石壁如帶謂必昔之海濱今東距海已千
里以愚觀之此即昔之河濱也所謂自東河至東海
千里而遙者也夫以昔之河濱今在山崖石壁之間
即河日遷山日長石日疑蓋可知也此皆天地之間
今人尚可考見之理其類非一而人鮮不謂迂者朝
菌不知晦朔夏蟲不可語冰其斯之謂矣然則禹貢

地理古今之不同又安知其非天地之變遷消長若
河碣之比邪或曰條列之說如之何曰予嘗疏於前
矣王鄭分每段為列可爾若指為山勢之脈絡恐未
然也夫天地常形固相為勾連貫通然其條理亦各
有脈絡若以脈絡之可見者言之崑崙四垂而為海
天下諸山皆起於崑崙而崑崙無定名地之最高山
之所聚江河諸源之所出即崑崙爾崑崙之山綿亘
糾繆勾連盤錯其南為岷山而岷山最大而東北為

積石諸峯其東為西傾朱圉烏鼠諸峯其西南諸山
尤為綿亘紛錯河之所以北弱水之所以西黑水之
所以南皆是也惟江河淮漢行乎中國自崑崙而東
北言之則自積石而北為湟水星海青海以至浩亶
皆河源也入匈奴以東為陰山又東南自代北雲朔
分而南趨為北嶽以至太行是為河北之脊壺口雷
首秦嶽析城王屋皆其羣峯河之折而南汾晉諸水
之所以西入河涿易寇漳恒衛之所以東入海也分

而東趨者行幽燕之北為五關之險以至營平而為
碣石此北絡也自崑崙以東言之則東為西傾而洮
水出其北入河恒水出其南入江又東為朱圉烏鼠
諸隴則為渭之源自渭源以北即夾河源而北以東
若岍岐若荆山諸峯涇水漆沮諸源也自渭以南即
西傾而下諸峯亘為終南屹為秦華東北為嶠陝東
南為熊耳外方嵩高伊洛之源又南為桐栢淮源以
達於淮西諸山此中絡也又自西傾諸圍而南分是

為蟠冢漢源夾漢而趨者北即終南華熊諸隴南則
蜀東諸峯說者謂蜀東諸山皆蟠冢正謂其岡岫綿
亘爾又東則為荆山內方此中絡之次也自崑崙之
東南言之是為岷山江源夾江而東者北支即西傾
以南蟠冢以西之脈為桓水西漢水嘉陵江諸源其
南支即南趨為蒙蔡諸山青衣大渡馬湖江諸源又
東包涪黔一盤而北為三峽其東出者包絡九江之
源中盤為衡山其再盤而北為廬阜其嶺東出者又

為袁吉章貢財信諸江之源至分水魚梁嶺三盤而
北趨過新安峙天目盡昇潤凡再盤之間其水聚為
洞庭三盤之間其水聚為彭蠡三盤以東則南閩浙
北為震澤此南絡也惟泰山則特起東方橫亘左右
以障中原此所以為異與大抵水者山之液故山盤
而水之源出焉此所以聚為川流之盛地道以勾連
為固故山東而水之流壅焉此所以資於疏闢之功
凡此其大畧云耳



圖書編卷三十一